

四庫全書

經部

欽定四庫全書

經部

呂氏家塾讀詩記卷二十一

詳校官監察御史臣邱庭澍

通政使司副使臣莫瞻菴覆勘

總校官降調編修臣倉聖脉

校對官學正臣翁樹棠

謄錄監生臣周元梓

欽定四庫全書

呂氏家塾讀詩記卷二十

宋 呂祖謙 撰

祈父之什

祈

勤衣切

父

甫音

刺宣王也

范氏曰讀詩至於庭燎未嘗不嘆古之君子愛其君之至也知其將失也則就其美而箴之箴之而不可則規之規之不可故鶴鳴誨之誨之不可然後祈父

刺之然則刺其君者豈詩人之心哉蓋不得已也夫
有宣王之功而不至於文武此詩人之所惜也故其
先後淺深之序如此

祈父予王之爪牙胡轉予于恤靡所止居

毛氏曰祈父司馬也職掌封祈之兵甲

鄭氏曰書曰若疇祈父謂

司馬

孔氏曰司馬掌封畿兵甲古者祈

圻畿同字得通用故此作祈尚書作圻

鄭氏曰

予我也 孔氏曰鳥用爪獸用牙以防衛此人自謂

王之爪牙以鳥獸為喻也 鄭氏曰轉移也 毛氏

曰恤憂也宣王之末司馬職廢羗戎為敗

孔氏曰常父美宣王

命程伯休父為大司馬此詩所刺者蓋休父卒後他人代之周語云宣王三十九年戰於千畝王師敗績於姜氏之戎

鄭氏曰此責司馬之辭也我乃王之爪牙

之士當為王閑守之衛女何移我於憂使我無所止居乎謂見使從軍也六軍之士出自六卿法不取於

王之爪牙之士

董氏曰按司馬之屬有司右虎賁旅賁皆奉事王之左右者也故司右曰

凡國之勇力之士能用五兵者屬焉虎賁曰掌先後王而趨以卒伍旅賁曰掌執戈盾夾王車此所謂爪牙者也張氏曰禁衛天子之爪牙而使之遠戍是詩所謂轉予於恤也古人容易出一句便不可及詩

人造理深其
辭儘難學

祈父子王之爪士胡轉予于恤靡所底
履反止

李氏曰爪士爪牙之士也 毛氏曰底至也

祈父亶不聰胡轉予于恤有母之尸饔

毛氏曰亶誠也 長樂劉氏曰尸主也 毛氏曰熟

食曰饔 王氏曰勞役無有休息不得奉養而母反

尸劬勞之事也 東萊曰讀是詩見宣王變古制者

二焉前兩章既刺其以宿衛之士從征役矣末章復

曰祈父亶不聰胡轉予于恤有母之尸饗有親老而無它兄弟其當免役征在古必有成法故責其不聰其意謂此法人皆聞之彼司馬獨不聞乎乃驅吾從戎使吾親不免薪水之勞也責司馬者不敢斥宣王也越句踐伐吳大徇於軍曰有父母者老而無昆弟者以告句踐親命之曰我有大事子事父母者老而子為我死子之父母將轉於溝壑子為禮已重矣子歸沒而父母之世後若有事吾與子圖之句踐尚能

辨此況周之盛時乎其有定制必矣太子晉諫靈王之辭曰厲始革典十四王矣又曰自我先王厲宣幽平而貪天禍至于今未弭宣王中興之主也至與幽厲竝數之其辭雖過觀是詩所刺則子晉之言豈無所自歟

祈父三章章四句

白駒大夫刺宣王也

皎皎

古了切

白駒食我場

直良反

苗

繫

陟立反

之維之以永今朝所謂伊人於焉逍遙

釋文曰皎皎潔白也馬五尺以上為駒 孔氏曰苗

宜云圃而云場者以場圃同地對則異名散則通

毛氏曰繫絆維繫也

孔氏曰在後曰絆謂絆其足維謂繫勒也

鄭氏曰

永久也 朱氏曰伊人指賢者也 鄭氏曰逍遙遊

息也 毛氏曰宣王之末不能用賢賢者有乘白駒

而去者 鄭氏曰使食我場中之苗我則絆之繫之

以久今朝愛之欲留之

張氏曰白駒乘白駒之賢也不欲斥言車上之人故言車

馬言白者又以素潔白之意詩人欲得賢者求止其家故言白駒食其苗藿庶幾繫之維之

呂

氏曰賢者將去而不留我猶願繫維之以永今朝今夕而已逍遙者徘徊少留之貌

皎皎白駒食我場藿

火郭反

繫之維之以永今夕所謂伊

人於焉嘉客

毛氏曰藿猶苗也夕猶朝也

呂氏曰嘉客者暫客

於斯亦將去也

皎皎白駒賁

彼義反

然來思爾公爾侯逸豫無期慎爾優

游勉爾遁

徒遜反

思

程氏曰賁然光彩 孔氏曰二思皆助語 呂氏曰

詩人好賢之至故賢者賁然來思而在位者悠悠而
不切也雖斯人也亦不能留賢故勉之使遁去也言

爾公爾侯者不敢斥君也

陳氏曰於是責在位之人
曰爾公爾侯但逸豫宴安

無期度

釋文遁作遯曰字又作

皎皎白駒在彼空谷生芻

楚俱反

一束其人如玉毋

音無

金

玉爾音而有遐心

程氏曰此章言其遠遯而思之之意賢者遠遯空谷

處困窮而享淡薄雖所享生芻一束而已然其人之
美則如玉也賢者既遠邈矣國之好賢者猶望其相

聞而不見絕也曰毋自貴重其音聲

孔氏曰毋得自愛音聲貴如金

玉不以而有遠棄我之心

朱氏曰歎其棄白駒入空谷生芻以秣之而其人之

德美如玉蓋邈乎其不可親矣然猶冀其相聞而無絕也王氏曰前章云勉爾遁思此章曰毋金玉爾

音而有邀心雖勉其遁而又庶幾其來反也

東萊曰所謂伊人於焉逍

遙於焉嘉客斯人也何人也蓋廊廟之人也所謂伊
人乃於此而逍遙乎乃於此而為嘉客乎既幸其來

以為榮復深嘆其所處非其地也其言雖含蓄而未
發其辭氣則慘然而不樂矣至三章明言之矣賢者
賁然來我之舍去朝適野時事蓋可知矣爾公爾侯
猶逸豫無期而不知懼乎於是乎與賢者決別慎爾
優游言善自保護無以優游自逸而失衛主之節也
勉爾適思者言勉哉行矣自重也皆決別之辭也仰
而慨然責公卿俯而眷然別賢者其情意至今可識
也四章疑其遂忘世也故勉之曰毋金玉爾音而有

遐心此深祝其音問無絕亦以君臣之義微諷之

白駒四章章六句

黃鳥刺宣王也

黃鳥黃鳥無集于穀無啄

陟角反

我粟

此邦之人不我肯穀言旋言歸復我邦族

孔氏曰無集于穀無集於我之穀木也 毛氏曰不

我肯穀穀善也 孔氏曰旋迴也 鄭氏曰復返也

朱氏曰民適異國不得其所故呼黃鳥而告之曰

爾無集于穀而啄我之粟此邦之人不以善道相與

我亦不久於此而將歸矣無以侵迫為也 范氏曰
民之去其土離其親者不得已也人不相恤是以懷
其邦族而復之也 東萊曰宣王之末民有失所者
意他國之可居也及其至彼則又不若故鄉焉故思
而欲歸使民如此亦異於還定安集之時矣

黃鳥黃鳥無集于桑無啄我梁此邦之人不可與明言
旋言歸復我諸兄

梁解見鵲羽 東萊曰人之所以相依者以其明足

以知其緩急休戚故也不可與明則不可與處矣

黃鳥黃鳥無集于栩

況甫反

無啄我黍此邦之人不可與

處言旋言歸復我諸父

栩解見鵠羽

黃鳥三章章七句

我行其野刺宣王也

王氏曰此民不安其居而適異邦從其昏嫺而不見收恤之詩也先王之詩曰既有肥牡以速諸舅寧適

不來徵我有咎又曰邊豆有踐兄弟無遠其躬行仁
義道民厚矣猶以為未也又建官置師以孝友睦婣
任恤六行教民為其有父母也故教以孝為其有兄
弟也故教以友為其有同姓也故教以睦為其有異
姓也故教以婣為鄰里鄉黨相保相愛也故教以任
相賙相救也故教以恤以為徒教之或不率也故使
官師以時書其德行而勸之以為徒勸之或不率也
於是乎有不孝不睦不婣不弟不任不恤之刑焉方

是時也安有如此詩所刺之民乎

我行其野蔽

必制反

芾

方味反

其樗

救書反

昏因之故言就爾

居爾不我畜復我邦家

蔽芾解見甘棠 毛氏曰樗惡木也

李氏曰樗者不才之木也莊子

曰吾有大樹人謂之樗其大枝擁腫不中繩墨其小枝卷曲不中規矩

爾雅曰婦之

父母壻之父母相謂為昏因

又曰婦之黨為昏壻之黨為因

毛氏

曰畜養也 王氏曰樗惡木尚可庇而息今以昏因

之故言就爾居而爾不我畜則樗之不如也 孔氏

曰爾既不我畜養今當復反我之邦家矣與之自訣之辭

我行其野言采其遂

勅六反

昏因之故言就爾宿爾不我

畜言歸思復

鄭氏曰遂牛類

徒雷反

也

陸璣艸木疏云今人謂之牛蹄

王氏曰遂

惡卉也尚可采以治疾今以昏因之故言就爾宿而爾不我畜則遂之不如也言就爾宿則託宿而已非就之居也言歸斯復則以不見畜而去也

我行其野言采其菑

音福

不思舊因求爾新特成不以富

亦祇

音支以異

毛氏曰菑惡菜也

鄭氏曰菑當也菑一名當幽州人

謂之煖當其根

正白可著熟灰中濕噉之饑荒之歲可蒸以禦饑當音菑

蘇氏曰特匹也成依

論語當作誠

王氏曰菑野菜之惡者也然尚可采

以禦饑昏因之相與因為其窮則相收困則相恤也

今不思舊姻而求爾新特則又菑之不如也 朱氏

曰爾之不思舊因而求新匹也雖實不以彼之富而

厭我之貧亦祇以其新而異故爾此見詩人責人忠厚之意

我行其野三章章六句

斯干宣王考室也

鄭氏曰考成也 孔氏曰路寢成則考之而不累注曰設威食以落之

歐陽氏曰古人成室而落之必有稱頌禱祝之言如

歌於斯哭於斯聚國族於斯謂之善頌善禱者是矣

若知斯干為考室之辭則一篇之義簡易而通明矣

東萊曰斯干無羊皆宣王初年之詩乃次於刺詩

之後何也蓋宣王晚歲雖怠於政然中興周室之大德豈可以是以掩之乎故復取此二篇以終之也宣王之大雅有美無刺大雅言大體者也論其大體則宣固一世之賢君也

秩秩

直乙反

斯干幽幽南山如竹苞矣如松茂矣兄及弟

矣式相好

呼報反

矣無相猶矣

毛氏曰秩秩流行也孔氏曰斯此也漸卦鄭注云

干謂大水之傍毛氏曰幽幽深遠矣長樂劉氏

曰南山鎬京之陽終南之山也 孔氏曰如竹之叢

生根本之衆

董氏曰苞叢生而固也

鄭氏曰式用也 歐陽

氏曰猶圖也謀也 董氏曰宣王作室後臨水前對

山其盤基之厚如竹之苞其締蔭之廣如松之茂

朱氏

曰其下之固如竹之苞其上之密如松之茂

兄及弟矣式相好矣無相猶

矣所謂聚國族於斯也 李氏曰兄弟之居此室各

相和好輯睦無有相圖 朱氏曰蓋頌禱之辭

呂氏曰保

吾兄弟於斯繼吾祖妣於斯安吾身於斯傳吾子孫於斯故曰兄及弟矣式相好矣無相猶矣又曰似續

妣祖又曰君子攸芋攸躋攸寧又曰
乃占我夢男子之祥女子之祥也

似續妣

必履反

祖築室百堵西南其戶爰居爰處爰笑爰

語

毛氏曰似嗣也 鄭氏曰妣先妣姜嫄也 曾氏曰

似續妣祖以生民閔宮之詩攷之豈謂姜嫄后稷與

孔氏曰大司樂舞大雉以享先妣舞大武以享先祖
姜嫄生稷以配天為周之王業特立廟用樂別祭

百堵解見鴻雁 毛氏曰西南其戶西鄉戶南鄉戶

也 孔氏曰天子之宮其室非一在北者南
戶在東者西戶耳 孫毓云猶南東其畝 鄭氏曰

爰於也 蘇氏曰厲王之亂而宮室敗壞宣王謀所

以續其先妣先祖者故築其宮室

王氏曰築室百堵者言廣且多也

於是居處於是笑語焉

約之閣閣

音陟角反

之橐橐

音託

風雨攸除

直慮反

鳥鼠攸

去君子攸芋

香于反

毛氏曰約束也閣閣猶厯厯也

孔氏曰以繩約縮之繩在版上厯厯然約

謂繩約版直則牆端正也

蘇氏曰閣閣上下相乘也 孔氏曰椽如椽杙之椽

謂以杙築之也

蘇氏曰橐橐杙聲也

孔氏曰既投土於版以杙

纂之索
索然

朱氏曰除亦去也 毛氏曰芋大也 孔

氏曰作羣寢之時縮版杵築至羣寢既成其墻屋引

殺則風雨之所除其築作堅緻則鳥鼠之所去

王氏
曰言

上下四旁
皆牢密也

蘇氏曰君子於是居焉所以為尊且大

也 董氏曰崔靈恩集注作約之格格周禮冬官先

儒引詩為據亦作格格

如跂

音企

斯翼如矢斯棘

居力反

如鳥斯革如暈

音輝

斯飛君

子攸躋

于西反

孔氏曰如跂如人跂足直立 歐陽氏曰翼敬也棘

急也矢行緩則枉急則直謂廉隅繩直如矢行也革

變也 鄭氏曰伊雉而南雉素質五色皆備成章曰

翬 毛氏曰躋升也 歐陽氏曰宮寢之制度其嚴

正如人跂而翼也其四隅如矢行而直也其竦起如

鳥驚變而悚顧也其軒翔如翬之飛也 孔氏曰斯革

之勢似鳥飛也 呂氏曰如華斯飛覆以瓦而加丹雘有文采而勢奮舉也 謂宮室之美

如此宜君子升而居之也 王氏曰君子攸躋則又言其高也 釋文

曰棘韓詩作初

初陽也
旅即反

革韓詩作鞠云翹也

殖殖

市力反

其庭有覺其楹噲噲

音快

其正

音政噦噦

呼會反

其

冥

莫形反

君子攸寧

毛氏曰殖殖平正也

王氏曰殖殖其庭
言庭地之實也

孔氏曰庭

宮寢之前庭也

朱氏曰覺高大而直也

毛氏曰覺
言高大也

覺

鄭氏曰
直也

孔氏曰楹柱也

鄭氏曰噲噲猶快快

也

呂氏曰正謂正寢

蘇氏曰噦噦深廣之貌

呂氏曰冥謂室之奧窔

烏叫反

也

王氏曰噲噲其正則
知噦噦其冥偏也噦

噲其冥則知噲
噲其正是明也

歐陽氏曰宜君子居之而安寧也

董氏曰噲噲其正所謂陽室者也噦噦其冥所謂陰室者也古者於陰陽以為宮室故其正為陽冥為陰夫負陰抱陽以安其神所以寧也

下莞

音官

上簟乃安斯寢乃寢乃興乃占我夢吉夢維何

維熊

于宮反

維羆

彼宜反

維虺

許鬼反

維蛇

市奢反

鄭氏曰莞小蒲之席也

孔氏曰西方人呼蒲為莞蒲言小蒲者以莞蒲一草之名

而司几筵有莞筵蒲筵則為兩種席也莞細而用小蒲釋文曰莞草叢生水中莖圓江南以為席形似

小蒲而實非也竹簟曰簟

董氏曰下莞上簟鄭氏謂與羣臣安燕非也按几筵莞筵蒲筵則有

之而葦竹無施於席則知所以為寢也 孔氏曰士喪禮云下莞上簟衽如初則平常寢卧之席皆莞簟

也衽寢卧之席也 興夙興也 爾雅曰羆如熊黃白文 舍人曰黃

白色郭璞云似熊而長頭高脚猛慙多力能拔樹木 蝮虺傳三寸首大如擘 孫

曰江淮以南謂虺為蝮虺廣三寸頭如拇指有牙最毒郭璞曰此自一種蛇人自名為蝮虺今虺細頸大頭

色如父綬文文間有毛似豬 蘇氏曰寢既成設莞 鼠鼻上有針大者長七八尺

簟而寢於其中起而又占其夢 歐陽氏曰六章以

下至於卒章盛陳占夢生子之事者謂安此寢而生

男女男則世為君王女子宜人之家室亦禱頌之辭

也

大人占之維熊維羆男子之祥維虺維蛇女子之祥

王氏曰大人者當時在位之大人

孔氏曰左傳文公之夢子犯占之不

必占夢之官乃得占也

董氏曰大人占之與故老

占夢何異詩以美為王不害於辭故重其事雖謂大

人占之可也

鄭氏曰熊羆在山陽之祥也故為生男虺

蛇穴處陰之祥也故為生女

王氏曰熊羆強力壯毅故為男子之祥虺蛇柔

弱隱伏故為女子之祥

范氏曰身安志平誠意感通而吉夢

可占故生男則室家君王生女則無父母詒懼人道

盡於此矣

王氏曰人之精神與天地陰陽流通故夢各以其類至先王置宮觀天地之會辨陰

陽之氣以日月星辰占云夢之吉凶獻吉夢贈惡夢知此則可以言性命之理矣
朱氏曰先王建官設屬其於天人相與之際察之詳而敬之至矣故曰王前巫而後史宗祝瞽侑皆在左右王中心無為也以正守至

乃生男子載寢之牀載衣

於既反

之裳載弄之璋

音章

其泣

嗶嗶

華旁反

朱芾

音弗

斯皇室家君王

毛氏曰圭曰璋

孔氏曰典瑞云四圭有邸以祀天兩圭有邸以祀地圭璧以祀日月

璋郎射以祀山川從上而下遞減其半故知半圭曰璋

孔氏曰嗶嗶者聲大

也 鄭氏曰芾者天子純朱諸侯黃朱白虎通曰芾者蔽也行以

蔽前天子采芾諸侯赤芾以韋為之上廣一尺下廣二尺 皇猶煌煌也 孔氏曰

君諸侯也 王天子也 鄭氏曰宣王所生之子或且為天子或且為諸侯 鄭

氏曰男子生而卧於牀尊之也 毛氏曰裳下之飾

也 璋臣之職也 孔氏曰裳明習為卑璋見效奉臣職王肅云言無生而貴也明欲為君父

當先知為臣子也璋而得為臣職者羣臣之從三行禮者奉璋棧樸曰奉璋峨峨髦士攸宜是也女子不

可常寢於地竟無裳男子亦不容無褌暫時示男女之別耳 鄭氏曰以璋者明成之有漸 王氏曰男

子不衣之衣而衣之裳者裳下服也不弄之圭而弄之璋者璋半珪也成人有漸故也女子其服自幼以

至長其事自易以至難亦有漸也先王之教人可謂至矣

王氏曰其泣之美亦

所以為吉祥故羊食我之生也聞其聲者知其滅羊

舌氏也 朱氏曰子之生於是室者皆將服朱芾煌

煌然有室有家為君為王矣 陳氏曰作室而生子

則本支甥舅自此始矣

乃生女子載寢之地載衣之裼他計反載弄之瓦無非無

儀唯酒食是議無父母詒以之反罹

毛氏曰裼褓也

孔氏曰褓
婦兒被也

瓦紡

芳岡反

塼音也

孔氏曰
婦人所

用瓦維紡
塼而已

鄭氏曰儀善也

出釋詁

毛氏曰罹憂也

鄭氏曰卧於地卑之也 蘇氏曰衣之裾即用其

所衣而無加也 鄭氏曰弄之紡塼習其所有事也

婦無所專於家事有非非婦人也有善亦非婦人也

婦人之事惟議酒食爾無遺父母之憂

王氏曰女子以順為正無

非足矣有善則非其吉祥可願之事也 朱氏曰在
易家人之六二曰無攸遂在中饋貞吉象曰六二之

吉順以巽也而孟子之母亦曰婦人之禮精五飲畢
酒漿養舅姑縫衣裳而已故有閨門之脩而無境外

之志此之謂也 毛氏曰無儀婦人質無威儀也
毛氏曰謂無如丈夫折旋揖讓棟桷之多 丘氏曰

婦人尚靜默不當有所是
非尚質慤不當為威儀

說文曰襜褕也詩曰載

衣之襜

他計切 釋文曰
韓詩作襜音同

東萊曰一章總述其宮

室之面勢而願其親睦二章三章述其作室之意與
營築之狀至於風雨攸除鳥鼠攸去則宮室成矣故
四章言望其外則雄壯軒翥如此五章言觀其內則
高明深廣如此望其外則未入也故曰君子攸躋言
其方升也觀其內則已入也故曰君子攸寧言其既
處也六章已下皆禱頌之辭

斯千九章四章章七句五章章五句

無羊宣王考牧也

鄭氏曰厲王之時牧人之職廢王始興而復之至此而歲

孔氏曰周禮牧人掌牧六牲而阜蕃其物六牲謂牛馬羊豕犬雞此詩唯言牛羊者馬祭之所用者少豕犬雞則比牛羊為卑故特舉牛羊以為美也

誰謂爾無羊三百為羣誰謂爾無牛九十其牯而純爾

羊來思其角濺濺

莊立反

爾牛來思其耳濕濕

始立反

毛氏曰黃牛黑脣曰牯李氏曰思辭也毛氏曰

聚其角而息漑漑然

王氏曰漑漑和也羊以苦觸為忘故言其和謂聚而不相觸也

董氏曰說文漑為和則漑而比者也

伺丑之反

而動其耳濕濕然

釋文曰伺

食已復出嚼之也

王氏曰牛以耳澤為善

山陰

陸氏曰牛之為物病則耳燥安則溫潤而澤故古之

視牛者以耳祭義所謂大夫袒而毛牛尚

耳董氏曰牛卧則耳下垂濕者其垂也

歐陽氏

曰呼牧人而告之曰誰謂爾無牛羊乎其數若此之

多也 孔氏曰羊一羣有三百不知其羣之有多少

也牛牂者有九十亦不知其不牂者之數也

董氏曰三百維

羣以羣計也九十其牂以牂計也黑膚為牂則黑皆為牝黑耳為驛亦各以其數也皆才細反牝音袖

聲音

鄭氏曰言動息澱澱濕濕者美畜產得其所

或降于阿或飲于池或寢或譌

五戈反

爾牧來思何

河可反

蓑

素戈反

何笠

音立

或負其餽

音侯

三十維物爾牲則具

毛氏曰譌動也何揭也蓑所以備雨笠所以禦暑

孔氏

曰蓑唯備雨之物笠則元以禦暑兼可禦雨既夕禮蓑笠注俱以為禦雨

蘇氏曰物類

也毛氏曰三十維物異毛色者三十也

孔氏曰謂青赤黃白

黑毛色別異者各三十也

鄭氏曰降阿飲池或寢或譌言此者

美其無所驚畏也

李氏曰動息各遂其性

王氏

長樂劉氏曰牧之者日持雨具齋饌糧從牛之所宜

適以順其性而蕃其息故牡有餘備矣

鄭氏曰祭祀索則有之

爾牧來思以薪以蒸

之丞反

以雌以雄爾羊來思矜矜兢兢

兢

其冰反

不騫

起虔反

不崩靡

毀皮反

之以肱

古弘反

畢來既升

鄭氏曰麓曰薪細曰蒸 毛氏曰矜矜兢兢言堅彊

也騫虧也崩羣疾也肱臂也 朱氏曰既盡也 毛

氏曰升升入牢也 鄭氏曰牧人有餘力則取薪蒸

以來歸也 王氏曰及其將歸而又辯其雌雄者視

其多寡之數也爾羊來思者與夫君子于役之詩曰

牛羊下來者類也矜矜兢兢者豈非山川草木之所

宜而牧之者不失其性而至於堅彊歟不騫不崩言

羊得其性而無耗敗也言羊而不言牛者羊善耗敗

故也言羊不耗敗則牛可知矣

山陰陸氏云齊民要術曰羊有疾輒相汗

長樂劉氏曰不騫不崩謂羣隊脩廣望之不斷也

鄭氏曰麾之以肱畢來

既升言馴擾從人意

長樂劉氏曰麾之以肱謂馴擾不假笞箠也蘇氏曰使來則

畢來使升則既升言其擾也

陳氏曰畢來既升者牧事畢也

牧人乃夢衆維魚矣旄

音

維旄

音

矣大人占之衆維魚

矣實維豐年旄維旄矣室家漆漆

側巾反

歐陽氏曰衆維魚矣但言魚之多也周官司常縣鄙

建旄州里建旄

詳見出車

毛氏曰漆漆衆也

朱氏曰

占夢之說未詳豈古者卜筮之家有是說與

毛氏曰陰陽和

則魚衆多矣旄旄所以聚衆也

張氏曰衆維魚矣

實維豐年豐年則民間樂故以田以魚夢魚斯豐年

之祥也旄者旄者皆田官之所建也旄統人少

旄統人多今建旄之處乃建旄則民庶衆矣

王

氏曰此牧成而考之之詩也故以吉祥之事終焉

陳氏

曰宮室成而考之故以人君之夢而書其祥收成而考之故以牧人之夢而書其祥

孔氏曰

歲熟民滋國之休慶也 東萊曰以斯干無羊之卒

章觀之所願乎上者子孫昌盛所願乎下者歲熟民滋皆不願乎其外也彼秦漢好大喜功之主肯以是為可願哉

無羊四章章八句

節

在切反

南山家父

音甫

刺幽王也

鄭氏曰家父字周大夫

孔氏曰桓十五年天

王使家父來求車上距幽王之卒七十五歲古人字或累世同之雲漢序曰仍叔桓五年仍叔之子來聘仍氏

或亦世淑字如趙氏世
稱孟智氏世稱伯也

東萊曰按左傳韓宣子來聘季武子賦節之卒章杜
氏謂取式謠爾心以畜萬邦之義然則此詩在古止
名節也

節彼南山維石巖巖赫赫

許百反

師尹民具爾瞻憂心如

惓

徒藍反

不敢戲談國既卒

子律反

斬何用不監

古銜反

毛氏曰興也節高峻貌巖巖積石貌赫赫顯盛貌師

太師周之三公也尹尹氏為太師

季氏曰洪範曰師尹惟曰此師尹不

可指其人如此詩曰尹氏太師是尹氏為太師明矣
春秋書曰尹氏卒譏世卿也其後又書尹氏立王子
朝則尹氏之為具俱瞻視悵燔也季氏曰雲漢曰如
世卿其來甚久朱氏曰卒終也 蘇氏曰斬絕
也 王氏曰如悵
者內熱之謂也

也 鄭氏曰監察也 陳氏曰南山國之望太師民
之瞻民之瞻太師也見其所為如此憂心如火之燔
灼第畏其威不敢言爾國既至此終斬絕矣汝何不
察也 釋文曰悵韓詩作炎字書作焱

節彼南山有實其猗

於宜反

赫赫師尹不平謂何天方薦

反祖殿

癢才何反

喪亂弘多民言無嘉慤

七感反

莫懲嗟

蘇氏曰山之實草木是也

毛氏曰猗長也

李氏曰猗如綠

竹猗猗是也

薦重也

孔氏曰薦與荐文異義同

瘥病也弘大也慤曾也

蘇氏曰山之生物其氣平均如一凡生於其上者

無不猗猗其長也

鄭氏曰責三公之不均平不如

山之為也謂何猶云何也

王氏曰不平謂何者發問之辭也

王氏

曰薦瘥者乖氣之所生曰方薦瘥則以言其薦瘥之

未艾 李氏曰喪亂弘多言喪亂之大而多也民言

無嘉蓋為民無善言但怨讟耳 蘇氏曰尹氏秉國

之均而不平其心則人之榮瘁勞佚有大相絕者矣

是以神怒而重之以喪亂人怨而謗讟其上然尹氏

曾不懲創咨嗟求所以自改也

李氏曰慊莫懲嗟以見尹氏為惡常自若

董氏曰天方薦瘥說文作天方薦嗟嗟殘田也

尹氏大

音泰

師維周之氏

丁禮反

秉國之均四方是維天子

是毗

婢尸反

俾民不迷不弔昊天不宜空我師

毛氏曰氏本也均平也 長樂劉氏曰維持也 鄭

氏曰毗輔也 朱氏曰弔愍也 毛氏曰空窮也

鄭氏曰師衆也 孔氏曰尹氏為大師之官是周根

本之臣

王氏曰京室以大族為氏朝廷以尊官為氏氏者安危存亡所出也尹氏大族也太師尊

官也故曰尹氏秉國之平居權衡之任 朱氏曰言

尹氏大師維周之氏而秉國之均則宜有以維持四

方毗輔天子而使民不迷乃其職也 李氏曰尹氏

不能如此則其亂必矣故呼天而告之曰昊天不弔

歐陽氏曰昊天不弔哀此下民不宜如是之空我師 東萊曰空我

師如空其國空其地之類蓋曰人之類將滅矣甚言之也

弗躬弗親庶民弗信弗問弗仕勿罔君子式夷式已無

小人殆瑣瑣

素火反

姻亞則無撫

音武仕

張氏曰仕猶事也 蘇氏曰罔欺也 朱氏曰君子

指王也 毛氏曰夷平也 王氏曰已廢退也孟子

所謂士師不能治事則已之與此已同義 毛氏曰

殆危也瑣瑣小貌兩壻相謂曰亞

孔氏曰劉熙釋名云兩壻相謂曰亞

者言每一人取姊一人取妹相亞次也

一廩厚也

朱氏曰言尹氏委政

於小人而以其未嘗問未嘗事者罔幽王而欺之故戒之曰汝之弗躬弗親庶民已不信矣其所弗問弗事則不可以罔君子也當平其心視所任之人有不當者則已之無以小人之故而至於危殆其國也

鄭氏曰瑣瑣昏姻之小人無厚任用之置之大位也東萊曰式夷式已無小人殆謂尹氏所與圖事者也瑣瑣姻亞則無膺仕謂尹以親暱而置之高位者

也

昊天不傭

殺龍反

降此鞠

九六反

訕

音凶

昊天不惠降此大戾

麗音

君子如屆

戒音

俾民心闕

若穴反

君子如夷惡怒是違

毛氏曰傭均也

朱氏曰鞠窮也訕亂也

鄭氏曰

惠順也戾乖也屆至也

毛氏曰闕愆也

鄭氏曰

夷平易也

蘇氏曰違遠也

朱氏曰昊天不均而

降此窮極之亂昊天不順而降此乖戾之變蓋無所

歸咎而歸之於天也雖然所以靖之者亦在夫人而

已君子用其至則民之亂心息矣君子平其心則民

之惡怒遠矣

又曰夫為政不平以召禍亂者人也而詩人以為天實為之者蓋無所歸咎而

歸之於天也抑有以見君臣隱諱之義焉有以見天人合一之理焉後皆放此

釋文曰傭

韓詩作庸庸易也

東萊曰鞠詘大戾匪降自天皆

尹氏為之也民罹其害無可奈何而歸之於天也在

民視之則難在幽王為之則易進賢而退姦蓋為國

之至理而二者之情狀惟平其心者則見之也幽王

如幡然用其至則尹氏必不居位而民之怨息矣幽

王如坦然平其心則尹氏自不能逃其罪而民之惡怒遠矣夫何難哉

不弔昊天亂靡有定式月斯生俾民不寧憂心如醒

音呈

誰秉國成不自為政卒勞百姓

鄭氏曰式用也言月月益甚也毛氏曰病酒曰醒

成平也

董氏曰國之有成其紀綱法令之所存此人主之所操也

鄭氏曰卒終

也陳氏曰不愍弔昊天亂何時定方且與歲月俱

生而使民不寧鄭氏曰我今憂之如病酒之醒矣

王氏曰秉國成者王之事也 歐陽氏曰責幽王

不自為政而使此尹氏在位致百姓於憂勞也

孔氏曰王

肅云言政不由王出也

東萊曰前章既言去尹氏之易此章

復言王終不能去反使之長惡不已或者其天意乎
故曰不弔昊天亂靡有定式月斯生俾民不寧憂心
如醒言亂之甚憂之極也秉國成者其誰乎何為不
自為政卒使尹氏之勞我百姓也蓋深尤幽王之專
任尹氏也誰云者不敢斥王之亂也

駕彼四牡四牡項領我瞻四方感感

子六反

靡所騁

敕領反

毛氏曰項大也

鄭氏曰感感縮小之貌騁馳騁也

歐陽氏曰我駕此大領之四牡四顧天下王室昏

亂諸侯交爭而四方皆無可往之所東萊曰此章

言幽王既不悟賢者有去而已於是駕彼四牡而將

行四牡項領則馬之肥壯固可惟意所適也然我瞻

四方則感感靡所騁蓋本根病則枝葉皆瘁是以無

可往之地也

方茂爾惡相爾矛矣既夷既懌

音亦

如相醕

市由反

矣

朱氏曰茂盛也

鄭氏曰相視也視女矛矣言欲戰

鬪相殺傷也

矛解見秦無衣

醕如賓主飲酒相醕酢

朱氏

曰言方盛其惡以相加則視其矛戟如欲戰鬪及既

夷平悅懌則相與歡然如賓主而相醕酢不以為怪

也

孔氏曰言相惡既深和解又疾皆是無常小人董氏曰此小人之常態也

蘇氏曰

小人喜怒之不可期如此是以君子不忍立於其側

也

昊天不平我王不寧不懲其心覆

反芳服

怨其正

朱氏曰尹氏之不平若天使之故曰昊天不平若是

則我王亦不得寧矣蘇氏曰然尹氏猶不自懲艾

乃反怨人之正已者言其為惡無有已也

鄭氏曰女不懲止女

之邪心而反憎其正也

東萊曰此章篇將終矣故復嘆曰昊

天其使尹氏不平乎我王其不得安寧乎今尹氏不

懲創其惡覆怨正人之攻已者方且報復而未已吾

是以憂吾君之不得寧也此憂豈為身哉

家父作誦以究王訕式譌

五反

爾心以畜

許六反

萬邦

鄭氏曰究窮也譌化也畜養也孔氏曰詩人之情

不一或微加諷諭或指斥愆咎或隱匿姓名或自顯

官字家父盡忠竭誠不憚誅罰故自載字焉寺人孟

子亦此類也

陳氏曰尹氏厲威使人不得戲談而家父作詩乃復表其詩出於已以身當尹

氏之怒而不辭者蓋家父周之世臣義與國俱存亡故也

朱氏曰作為此誦以

窮究王致昏亂之所由冀其改心易慮以畜養萬邦

也范氏曰攻其惡者正其心而已此所以為幽王

變雅之首

李氏曰孟子曰人不足與適也政不足與間也惟大人為能格君心之非蓋用人之

失政事之過雖皆君之非然不必先論也惟格君心之非則政事無不善矣用人皆得其當矣

東

萊曰此章篇終矣故竊其亂本而歸之王心焉致亂者雖尹氏而用尹氏者則王心之蔽也

節南山十章六章章八句四章章四句

正

音政

月大夫刺幽王也

正月繁

扶哀反

霜我心憂傷民

之譌言亦孔之將念我獨兮憂心京京哀我小心癰

音

憂以痒

音羊

毛氏曰正月夏之四月

孔氏曰昭十七年六月日食太史謂之正月周六月是夏

四月謂之正月者以乾用事正純陽之月

繁多也

鄭氏曰譌僞也孔將

甚大也 毛氏曰京京憂不去也

王氏曰京大也

呂氏

曰癘憂幽憂也與下鼠思泣血文雖小異義亦同也

毛氏曰痒病也

范氏曰正月長養之月也繁霜

肅殺之氣也

孔氏曰覩天災為之憂傷 歐陽氏

曰降霜非時天災可憂而民之譌言以害於國又甚

於繁霜之害物也

董氏曰霜降非時災降于上也

謫言非常禍起于下也上下相應如此則國亡無日

矣

李氏曰夏商之季至於漢唐之末天災謫見非不明甚民言謫辭非不深切而君臣未有覺悟者益

不如是則國不亡也

歐陽氏曰念我獨兮憂心京京大夫言

已獨為王憂耳以見幽王之朝多小人而君臣不知

憂懼也 長樂劉氏曰哀哉我之夙夜憂國顧無助

我者鼠病而憂在于穴內人所不知也我有癰憂至

於痒病人所不知也 董氏曰謫言石經作偽言

東萊曰凡謫張為幻以罔上惑衆者皆謂之謫言

父母生我胡俾我瘵

音庚

不自我先不自我後好言自口

莠

錄久反

言自口憂心愈愈是以有侮

毛氏曰瘵病也

鄭氏曰自從也

王氏曰莠惡也

蓋穀謂之善則莠惡可知也

蘇氏曰莠不實也

毛氏曰愈

愈憂懼也

王氏曰愈愈憂甚之謂也

王氏曰疾痛故呼父母而

傷已適丁是時也

鄭氏曰此何不出我之前居我

之後窮苦之情苟欲免身譎言之人善言從女口出

惡言亦從女口出女口一耳善也惡也同出其中謂

其可賤憂心愈愈我心憂如是與譌言者殊塗故見

侵侮也

蘇氏曰小人傾詐反覆無愧使我憂心愈愈日以益甚而反以侮我曰何至是

憂心惻惻

其營反

念我無祿民之無辜并

必政反

其臣僕哀

我人斯于何從祿瞻烏爰止于誰之屋

毛氏曰惻惻憂意也

王氏曰惻惻獨也

陳氏曰祿福也無

祿猶言不幸也

鄭氏曰辜罪也

朱氏曰并俱也

古者以罪人為臣僕亡國所虜亦以為臣僕故箕子

曰商其淪喪我罔為臣僕言不幸遭國之將亡與此

無罪之民將隨以淪陷而并為臣僕未知將復從何

人而受祿如鳥飛不知其將止於誰之屋也

王氏曰民有欲

無主乃亂天生聰明時又王不能又而民無所得祿則釋王而從祿于他鳥之為物唯能食已則止其屋民之從祿將如此哀者哀其如此瞻者瞻其將然也

瞻彼中林侯薪侯蒸

之蒸反

民今方殆視天夢夢

莫紅反

既

克有定靡人弗勝

音升

有皇上帝伊誰云憎

毛氏曰中林林中

也鄭氏曰侯維也林中大木之

處而維有薪蒸耳

爾雅曰夢夢亂也

朱氏曰皇

大也上帝天之神也以其形體謂之天以其主宰謂

之帝 蘓氏曰中林之木莫不摧毀而維薪蒸在焉

其殘之也甚矣幽王播其害於天下大家世族散為

皂隸亦猶是也

王氏曰君之剝削於民而至於盡民猶人之侵伐林木以致薪蒸者也

方在危殆之中視天之夢夢若無能為者不知此天

理之未定故也

歐陽氏曰民今方危殆而仰瞻天則夢夢然而無所告

方其未

定何所不至及其既定人未有不為天所勝者申包

胥曰人衆則勝天天定亦能勝人不然天豈有所憎

而禍之耶適當其未定故爾

謂山蓋卑為岡為陵民之譌言寧莫之懲召彼故老訊
音信之占夢具曰予聖誰知烏之雌雄

毛氏曰故老元老訊問也具曰予聖君臣俱自謂聖
也 歐陽氏曰凡禽鳥之雌雄多以其首尾毛色不
同而別之鳥之首尾毛色雌雄不異人所難別故引
以為言 李氏曰謂山為卑則有為山脊者有為大
阿者而皆以為卑民之譌言變白為黑如此乃不懲

艾之何也 孔氏曰王既任小人不止譎言而愛好

鄙碎共信徵祥召彼元老宿舊有德者但問之占夢

之事言其侮慢長老也

朱氏曰方且召彼故老而問之以不急之事 前漢藝文

志曰惑者不稽諸躬而忌妖之見是以詩刺召彼故老訊之占夢傷其舍本而憂末不能勝凶咎也 呂

氏曰召彼故老訊之占夢執我仇仇亦不我力其車既載乃棄爾輔皆不信仁賢之實也 毛氏

曰亂甚矣不知與故老圖此乃召而訊之占夢則其

迷亦甚矣唯其迷甚故君臣皆自謂聖而上下同德

如鳥雌雄無以相別也

孔叢子子思言於衛侯曰君之國事將日非失公何故對

之亂天雖高而不敢不局地雖厚而不敢不踳

家語曰孔

子讀詩于正月六章惕焉如懼曰彼不達之君子豈不殆哉從上依世則道廢達上離俗則身危時不興善已獨由之則曰非妖即妄也故賢也既不遇大恐不終其命焉桀殺龍逢紂殺比干皆是類也詩曰謂天蓋高不敢不局謂地蓋厚不敢不

王氏曰人號

呼而出斯局踳之言者非誕也乃有倫序有脊理

朱氏曰哀今之人胡為肆毒以害人而使之至此乎

王氏曰當是時也人之害人者則為虺是人者則為蜴矣

瞻彼阪

反音

田有苑

鬱音

其特天之扚

反五忽

我如不我克彼

求我則如不我得執我仇仇亦不我力

鄭氏曰阪田崎嶇境

苦交反

塙

戶角反

之處而有藐然茂

特之苗

毛氏曰抗動也仇仇猶警警

五報反

也

孔氏曰釋

訓云仇仇教教傲也郭璞曰皆傲慢賢者

朱氏曰力猶用力也

李氏

曰視彼阪田崎嶇之處有藐然特盛之苗亦猶昏亂

之朝有挺然特立之賢者特立之苗特生於阪田之

中而天為風雨以抗動之惟恐其不勝

鄭氏曰謂其迅疾也

亦

猶賢者之特立而小人成羣思有以中傷之惟恐其

不及也

歐陽氏曰云天之机我者君子居危推其命於天也

蘇氏曰方其求

我以為濫也如恐失我爾

孔氏曰其得我則空執

畱我其禮待我警警然

蘇氏曰曾不力用我也書

曰凡人未見聖若不克見既見聖亦不克由聖

朱氏曰求

之甚艱而棄之甚易言其無常耳
鄭氏曰言其有貪賢之名無用賢之實

歐陽氏曰

此章大夫自傷獨立於昏朝之亂也大夫既傷獨立

而知其無如之何故於下章遂及亡國之憂 釋文

堯作苑

心之憂矣如或結之今茲之正胡然厲矣燎力詔反之方

揚寧或滅之赫赫宗周褒音似威呼悅反之

孔氏曰結纏結也 歐陽氏曰正政古用字多通

毛氏曰厲惡也 毛氏曰火田為燎燎之方盛之時

炎熾熈也 毛氏曰宗周鎬京也褒國也姒姓也

威滅也釋文曰威齊人語也 鄭氏曰心憂如有結之者 歐

陽氏曰我心之憂如結而國之政何其惡也王氏曰厲危也

正危則邪勝政也 李氏曰火之燎于原寧有撲滅之乎今

也赫赫然之宗周而乃褒姒所滅誠可駭也

朱氏曰赫赫之

宗周而一褒姒足以滅之蓋傷之也

毛氏曰幽王惑褒女以為后詩

人知其必滅周也

孔氏曰宗周末滅詩人以褒姒淫妬知其必滅周也

歐陽

氏曰此詩上七章皆述王信譌言亂政至此始言滅

周主於褒姒者謂王溺女色而致昏昏惑推其禍亂之

本以歸罪也

終其永懷又窘

求賔反

陰雨其車既載乃棄爾輔載輸爾

載

才再反下同

將

七羊反

伯助予

毛氏曰窘困也 孔氏曰輔是可解脫之物蓋如今

人縛杖於幅以防輔車 鄭氏曰翰墮許規反也 毛

氏曰將請也伯長也 蘓氏曰幽王日為淫虐譬如

行險而不知止君子永思其終知其必有大難故曰

終其永懷又窘陰雨 朱氏曰陰雨則泥濘而車易

以陷也 毛氏曰大車重載又棄其輔 鄭氏曰乃

棄爾輔謂遠賢也棄女車輔則墮女之載乃請長者

見助以言國危而求賢者已晚矣

蘇氏曰幽王不虞難之將至而棄賢

臣馬故曰乃棄爾輔君子求助於未危故難不
至苟其載之既墮而後號伯以助予則無及矣 董

氏曰韓詩章句以窘為迫 東萊曰前章既言周之
必亡矣此懷不能已復誨幽王曰此何等時乃棄賢
者不以自助乎無至於傾覆而誨之也

無棄爾輔員

音云

于爾輻

方六反

屢顧爾僕不輸爾載終踰

絕險曾是不意

毛氏曰員益也

朱氏曰輔所以益輻也

孔氏曰當無棄爾之

車輔並於
爾之輪輻

鄭氏曰屢數

音朔

也僕將車者也

歐陽

氏曰戒其無棄爾輔而益其輻又顧其僕使不覆所載者謂駕車者當如此猶恐覆敗而今乃履絕險而不以為意則宜其覆矣 蘇氏曰告之而不信故又

曰終踰絕險曾是不意

李氏曰不棄爾輔員于爾輻可謂慎矣猶以為未也而又

屢顧爾僕然後不至於多難今幽王乃終然踰於絕險之地而不以為意其忽於禍難可知矣

范

氏曰治天下者任重道遠故以將車為喻

魚在于沼

之紹反

亦匪克樂

音洛

潛雖伏矣亦孔之炤

音灼

憂

心慘慘

十感反

念國之為虐

毛氏曰沼池也 鄭氏曰炤炤易見也 毛氏曰慘

慘猶戚戚也 王氏曰魚在于沼其為生已感矣是

以匪克樂也 蘓氏曰君子立於衰亂之朝譬如魚

之在沼非其所樂 王氏曰潛雖伏矣亦孔之炤以

譬君子雖潛伏無所容也感而困之如此故君子憂

心慘慘念國之為虐也慘慘則幽愁之至也 孔氏曰賢者在

朝廷非能有樂退而隱居雖適於山林之中又姓名聞徹不可以避莫知所終 長樂劉氏曰魚雖然潛

伏於深淵亦為罔罟者所獲士雖隱晦於山林亦為羅織者所麗言危亂之世有道君子在朝不可也在

野不可也

文中子遊馬頰之谷遂至牛首之谿登降信

宿從者樂姚義實咸進曰夫子遂得潛乎文中子曰

潛雖伏矣亦孔之炤威曰聞朝廷有召子議矣文中

子曰彼求我則如不我得執我仇亦不我力義曰

其車既載乃棄爾輔威曰終踰絕險曾是不意文中

子喟然遂歌正月終焉既而曰不可為矣

彼有旨酒又有嘉穀

尸交反

洽比

毗志反

其鄰昏姻孔云念

我獨兮憂心慙慙

毛氏曰洽合也 孔氏曰比親比也 毛氏曰云旋

也慙慙然痛也 李氏曰小人有旨酒嘉穀和洽其

鄰里與其親戚周旋而我獨憂之昔人有言曰燕雀

處堂母子相安自以為樂也突決棟焚而母子恬然

不知禍之將及也今國勢如此而小人徒乃羣居飲

酒以相樂殆燕雀之類也

王氏曰君子困感而小人得志有酒食以洽比其鄰

里怡懌其昏姻而昏姻甚稱說其為善則君子失志窮獨其憂甚矣慙慙則痛疾之至也 歐陽氏曰大

夫既自傷將及禍而又哀彼衆人不知危亡可憂而猶有以酒肴與其鄰里親戚為樂者而我獨憂也

釋文穀作肴曰本又作穀

仳仳

此音

彼有屋蔀蔀

速音

方有穀民今之無祿天夫

反於

遄

是椽

陟角反

寄

哥我反

矣富人哀此惻獨

毛氏曰仳仳小也蔀蔀陋也鄭氏曰蔀祿也朱

氏曰椽害也毛氏曰寄可獨單也孔氏曰仳仳

然之小人彼已有室屋之富矣其蔀蔀然窶陋者方

有爵祿之貴矣王氏曰仳仳者有家而蔀蔀者方

且有祿未艾也而民反無祿蘇氏曰民方無福故

天之天孽茲出而極喪之

王氏曰此此蔽蔽者極害之也

富人猶可

勝也窮獨甚矣

李氏曰衰亂之世要其極也貧富俱受其禍言其一時之虐政富者之財

猶可以勝其求貧者愈不堪也

說文曰倂小貌從人從凶詩曰倂

倂彼有屋斯氏切

後漢書蔡邕釋誨云速速方轂

注謂小人乘寵方轂而行也

東萊曰勞役之甚者

又就其間自較其輕重故曰土國城漕我獨南行困

苦之甚者又就其間自較其淺深故曰哿矣富人哀

此惻獨使民至是蓋甚可憐矣

正月十三章八章章八句五章章六句

十月之交大夫刺幽王也 十月之交朔日辛卯日有食之亦孔之醜彼月而微此日而微今此下民亦孔之哀

毛氏曰交日月之交會

孔氏曰日月交會謂朔也周天三百六十五度四分之

一日月皆右行於天一晝一夜日行一度月行十三度十九分度之七二十九日有餘而月行天一周追及於日而與之會交會而日月同道則食月或在日道表或在日道裏則不食矣又應象為交食之法大率以百七十三日有奇為限然月先在裏則依限而食者多若月在表雖依限而食者少杜預見其參差

乃云日月動物雖行度有本量不能不少有盈縮故有雖交會而不食者或有頻交而食者此得之矣鄭氏曰周之十月夏之八月也八月朔日月交會而食李氏曰唐志云十月之交以歷推之在幽王之六年什方張氏曰詩有夏正無周正獨此詩為周正可乎漢歷幽王無八月朔食而唐歷則有之議者疑其傳會而為此也蘇氏曰日食天變之大者也然正陽之月古尤忌之夏之四月為純陽故謂之正月十月為純陰月純陽而食陽弱之甚也純陰而食陰壯之甚也

孔氏曰古之歷

書亡矣今世有周歷魯歷者蓋漢初為之其交無遲速盈縮考日食之灋而其年月往往參差是以漢世通儒未有以歷考此辛卯日食者毛氏曰醜惡也

蘓氏曰交當朔則日食然亦有交而不食者交而食陽微而陰乘之也交而不食陽盛而陰不能掩也

朱氏曰此則係乎人事之感蓋臣子背君父妾婦

乘其夫小人陵君子邊塞侵中國所感如是則陰盛

陽微而日為之食矣是以聖人於春秋每食必書而

詩人亦以為醜也

孔氏曰夫以昭昭大明照臨下土忽爾殲亡俾晝作夜其為怪異莫

斯之甚故有伐鼓用幣之儀貶膳去樂之數皆所以重天變警人君也

王氏曰月有

盈虧虧則微矣彼月而微則固其所此日而微則非

其常 鄭氏曰災害將起故下民亦甚可哀

蕪氏曰天變既

見君子知國之將亡國亡則民首被其患是以哀之也

日月告凶不用其行四國無政不用其良彼月而食則維其常此日而食于何不臧

鄭氏曰告凶告天下以凶亡之徵也行道度也不用

之者謂相干犯也

李氏曰望而正於黃道是謂臣干君明則陽斯蝕之矣朔而正於黃

道是謂日壅月明則陰為之食矣凡日月之食者皆不用其常道

不用其良不用善

人也臧善也

孔氏曰猶言一何不善 王氏曰日

月告凶不用其行則以四國無政不用其良故也月

食非其常也然比日食則以陽侵陰猶為常也此日

而食則為變大矣

李氏曰春秋日食三十六月食則未嘗書豈月未嘗食耶亦以為常

爾故左傳昭七年晉侯問於士文伯曰詩所謂彼日而

食于何不臧者何也對曰不善政之謂也國無政不

用善則自取謫于日月之災前漢劉向引詩曰日月

鞠凶不用其行

燿燿

于輒反

震電不寧不令百川沸

甫味反

騰山冢萃

祖恤反

崩高岸為谷深谷為陵哀今之人胡憯

七感反莫懲

毛氏曰燿燿震電貌震雷也

朱氏曰寧安也令善

也

前漢李尋傳注雷電失序不安不善

毛氏曰沸出騰乘也山頂曰

冢鄭氏曰萃崔嵬

爾雅注萃謂山峯頭巉岩者

憯魯也

孔氏

曰幽王之時不但日食又燿燿然有震雷之電其聲

過常百川之水皆溢出而相乘山之冢頂高峯之上

萃然崔嵬者皆崩落高大之岸陷為深谷深下之谷

進出為陵

毛氏曰高岸為谷深谷為陵言易位也陳氏曰因山頂之高者崩故陵谷由之以

改所陳皆當時實事 朱氏曰災異之衆如此是宜

恐懼修省改紀其政而幽王曾莫之懲也董子曰國家將有失道之敗而天乃先出災異以譴告之不知自省又出怪異以警懼之尚不知變而傷敗乃至此

見天心仁愛人君而欲止其亂也

前漢劉向上疏曰天變見於上地變

動於下水衆沸騰山谷易處其詩曰百川沸騰山冢
率崩高岸為谷深谷為陵哀今之人胡惜莫懲 王

氏曰哀而怪之也

皇父卿士番維司徒家伯冢宰仲允膳夫聚

側雷反

子內

史蹶

俱衛反

維趣

七走反

馬槁

音矩

維師氏

豔

餘瞻反

妻煽

音扇

方

處

鄭氏曰皇父家伯仲允皆字番聚蹶槁皆氏

孔氏曰父及伯

仲是字之義番聚蹶槁單言又聚子以子配之若魯子閔子然故知皆氏

朱氏曰卿士

六卿之外更為都官以總六官之事也 鄭氏曰司

徒之職掌天下土地之圖人民之數冢宰掌建邦之

六典皆卿也

孔氏曰王肅以此宰為小鄭司農宰夫注云詩曰家伯維宰謂此宰夫也小宰

宰夫經傳之中未有單稱宰以此知家伯是冢宰也此大率以官高為先而有不次者便文以取韻也

膳夫上士也掌王之飲食膳羞內史中大夫也掌爵

祿廢置殺生予奪之灋趣馬中士也掌王馬之政

孔氏

曰序官趣馬下士一人此言中士者誤也

師氏亦中大夫也掌司朝得失

之事 毛氏曰豔妻褒如美色曰豔

前漢谷永云皆褒如用國宗周

以喪豔妻驕嬪日以不臧注魯詩小雅十月之交篇曰此日而食于何不臧又曰閭妻嬪方處言厲王無

道內寵熾盛班婕妤賦云悲晨婦之作戒兮哀褒閭之為郵

嬪熾也

王氏曰求

變異所以用七子七子所以見寵用事則以豔妻嬪

方處故也豔妻言其配王以色而已非以德也嬪言

其勢盛若火之燭然方處言方處勢未變徙也

鄭氏曰王

淫於色七子皆用嬖寵方職之時並處位言女謁行之甚也雖官有尊卑權寵相連朋黨於朝是以疾焉

李氏曰羣小人用事又有豔妾交結於內則其勢蟠結不可解也

釋文蹶作歷

抑此皇父豈曰不時胡為我作不即我謀徹我墻屋田

卒汙

音烏萊音來

曰予不賤

在良反

禮則然矣

朱氏曰抑發語辭

毛氏曰時是也

朱氏曰作動

也即就也卒盡也毛氏曰下則汙高則萊

孔氏曰汙者池

停水之名禮記曰汙其宮而猶焉是也萊者草穢之名楚茨云田萊多荒是也

鄭氏曰賤

殘也 范氏曰前章備舉其朝之小人而皇父實尸

之其餘則以類相聚而已 王氏曰言皇父所為自

以為是

鄭氏曰言其不自知惡也

故作我以徙而不即我謀乃徹

我牆屋使我田不獲治卑者卒汙高者卒萊

長樂劉氏曰何

為於我民居有大興作而不先即我民以謀之 朱氏曰或曰廢其田宅以為池為園也

乃曰予

不戕女下供上役禮則然矣然則皇父豈肯自以所

為為不時乎

鄭氏曰言皇父既不自知不是反云我不殘敗女田業禮下供上役其道當然

言文過也

皇父孔聖作都于向

反式亮

擇三有事亶侯多藏

反才浪不

慙

反魚觀

遺一老俾守我王擇有車馬以居徂向

毛氏曰向邑也

孔氏曰左傳說桓王與鄭十二邑向在其中杜預云河內軹縣西有地名

向上則向在東都之畿內也

三有事國之三卿亶信也侯維也

爾雅曰慙強也且也

鄭氏曰慙者心不欲自強之辭也

朱氏曰徂

往也 王氏曰皇父甚愚而自謂甚聖故詩人因其

自聖而譏之曰孔聖也

鄭氏曰皇父專權足以自比聖人

作都於向

徙民而作其邑也

孔氏曰皇父封於畿內當二卿

今立三有事是增一卿以比列國也

鄭氏曰禮畿內諸侯二卿

毛氏曰皇父擇其國之三卿信維貪淫多藏之人

鄭氏

曰三卿皆取聚斂之臣 王氏曰擇三有事豈侯多藏則其用人維貨其吉也

鄭氏曰盡

將舊在位之人與之皆去 王氏曰不慙遺一老俾

守我王者不自強畱一老人以畱衛王則又不忠敬

之甚也

孔氏曰皇父矜形勢盡將王官列職往向至向亦當反但去時盡將之耳 陳氏曰擇多

藏之人以為三公懼故老在位盡出之不遺一人以保我王 漢靈帝時西園有三公之錢在幽王時此錢

歸之向矣

鄭氏曰又擇民之富有車馬者以往居向

董氏曰以實其邑也

黽

反民尤

勉從事不敢告勞無罪無辜讒口囂囂

五力反

下

民之孽

反魚列

匪降自天噂

反子損

沓

反徒合

背

反蒲妹

憎職競

由人

鄭氏曰囂囂衆多貌

孔氏曰孽災害也

蘓氏曰

噂聚也沓重複也

毛氏曰噂猶噂噂當猶沓沓

毛氏曰職主也

鄭氏曰詩人賢者見時如是自勉以從王事雖勞

不敢自謂勞

蘓氏曰無罪猶且見讒而况敢告勞

乎下民之孽非天之所為也嚶嚶沓沓多言以相說

而背相憎專力為此者人也而豈天哉

陳氏曰嚶聚談也沓聚并

也小人在位所以興尊未可歸於天也此小人在位所以興尊未可歸於天也

長樂劉

氏上疏曰詩曰密勿從事不敢告勞無罪無辜讒口

瞽瞍

釋文驚瞍作瞽瞍韓詩作瞽瞍

說文曰傳聚也從人尊聲詩

曰傳沓背憎

釋文沓作沓

悠悠我里亦孔之瘳

莫背反

四方有羨

條箭反

我獨居憂民

莫不逸我獨不敢休天命不徹我不敢傲我友自逸

毛氏曰悠悠憂也痲病也羨餘也 王氏曰徹通也

幽王之時天下病矣而我所居里則又甚病矣

又曰此所

謂譏小己之得失而其流及上者也

孔氏曰四方之民盡有饒餘我

獨居此憂民莫不得優游自逸我獨不敢休息

王氏曰凡

民之不如也饒美優游大夫方言己之勤勞故為此辭學詩者當

李氏曰幽王之時豈四方之民盡皆

以意逆之

王氏曰不通則以言其窮也其窮命也勉之

而已故不敢倣親屬之臣心不能已

陳氏曰不然則不應不去也

董氏曰里顧野王作廛爾雅以廛為病集注同

之今毛以里為病蓋當毛作傳時字為瘰也

十月之交八章章八句

雨無正

政音

大夫刺幽王也雨自上下者也衆多如雨而

非所以為政也

歐陽氏曰古之人於詩多不命題而篇名往往無義例其或有命名者則必述詩之意如卷伯常武之類是也今雨無正之名據序曰雨自上下者也言衆多如雨而非政也今考詩七章都無此義與序絕異當

缺其所疑

劉諫議曰嘗讀韓詩有雨無極篇序云雨無極正大夫刺幽王也比毛詩篇首多雨

無其極傷我稼穡八字董氏曰韓詩作雨無政正大夫刺幽王也章句曰無衆也書曰庶艸蕃蕪說文

曰蕪豐也則雨衆多者其為政令不得一也故為正大天之刺

浩浩

古老反

昊

胡老反

天不駿

音峻

其德降喪饑饉

其斬反

斬伐

四國旻

密巾反

天疾威弗慮弗圖舍

音赦

彼有罪既伏其辜

若此無罪淪

音倫

胥

息魚反以銷

音普

烏

王氏曰浩浩廣大流通之意毛氏曰駿長也穀不

熟曰饑蔬不熟曰饑孔氏曰旻天上有昊天明此

亦昊天

又曰定本作昊天俗本作昊天誤也
釋文曰昊天本有作昊天者非也

鄭氏

曰慮圖皆謀也

蘇氏曰舍置也淪陷也

鄭氏曰

鋪徧也

蘇氏曰幽王之亂民之無罪而被禍災者

無所歸咎曰天實為之天之生物浩然其若無窮者

奈何不長其德既又生之而又降喪亂饑饉以斬伐

之哉豈天怒之迅烈曾弗之慮而弗之圖乎彼有罪

者則既伏其辜矣置而勿疑可也若此無罪而使之

相與陷溺無不徧焉何也

董氏曰韓詩作薰胥以

痛章句曰薰師也胥相也痛病也

前漢序傳云鳴呼史遷薰胥以刑注

晉灼曰齊韓魯詩作薰師古曰詩小雅雨無正之篇曰若此無罪淪胥以銷韓詩淪字作薰薰者謂相薰

蒸亦漸及之義耳

周宗既滅靡所止戾正大夫離居莫知我勸

夷世反

三事

大夫莫肯夙夜邦君諸侯莫肯朝夕庶曰式臧覆

芳服反

出為惡

毛氏曰戾定也鄭氏曰正長也

王氏曰周官八職一曰正六官之長

是

毛氏曰勸勞也

孔氏曰三事大夫王肅以三

事為三公大夫謂其屬

李氏曰徐安道以謂周官曰三事暨大夫舉三公及大夫

也

朱氏曰臧善也

毛氏曰覆反也

范氏曰周

宗者周為天下之宗也

王氏曰方是時周未滅而

曰既滅者其滅之形成故也

朱氏曰周宗姬姓之宗也既滅言將有易姓之

禍其兆既見矣

范氏曰靡所止戾未知天之所命民之所

定矣正大夫離居去位也其下大夫勞於從事故曰

莫知我勸三事大夫莫肯夙夜無在公之節也邦君

諸侯莫肯朝夕無尊王之禮也幽王屏棄故老侮慢

諸侯其大臣不使其諸侯不王故大夫憂之庶王之

傲懼而用善反出於為惡莫之懲焉

孔氏曰君臣解體國將滅亡我

庶幾曰王今國危如此當改用善而反出為惡董氏曰至此則宜反善矣庶幾其日望之而覆出為惡

如何昊天辟言不信如彼行邁則靡所臻凡百君子各敬爾身胡不相畏不畏于天

毛氏曰辟法也 朱氏曰臻至也 鄭氏曰凡百君

子謂衆在位者 蘓氏曰幽王日益不悛君子呼天

而告之曰奈何哉瀟度之言王終莫肯信者

鄭氏曰如何乎

昊天痛而慙之也 范氏曰辟言不言法語不從也如人恣行而

忘反我不知其所至矣既已憂之則又告其羣臣使

皆敬其身 王氏曰世雖昏亂君子不可以為惡自

敬故也畏人故也畏天故也

朱氏曰凡百君子不可以王惡而自恣也亦各

敬滿身而已不敬爾身不相畏也不相畏不畏天也

左傳季文子曰詩曰胡不相畏不畏于天君子之不虐幼賤

戒成不退饑成不遂曾

在登反

我誓

思列反

御懔懔

子感日反

瘁

徂醉反

凡百君子莫肯用訊聽言則答譖言則退

毛氏曰戎兵也遂安也

蘇氏曰遂進也易曰不能退不能遂

鄭氏曰

曾但也

毛氏曰督御侍御也

國語曰居寢有執御之箴說文曰督狎

習相慢

瘁病也

鄭氏曰訊告也

孔氏曰兵寇已成

而不能禦而退之饑困已成而不能恤而安之鄭

氏曰曾但侍御左右小臣懔懔憂之大臣無念之者

王氏曰患難如此則凡百君子宜任其憂責然慘然曰瘁則我督御而已蓋王所親厚聽用督御而已則患難之憂非其督御誰肯任之

朱氏曰凡百君子莫肯以是告

王者雖王有問而聽其言則亦答之而已不敢盡言

也一有譖言及已則皆退而離居莫肯夙夜朝夕於王矣其意若曰王雖不善而君臣之義豈可以若是忽乎 釋文懌懌作慘慘 東萊曰懌御如揚雄為郎於哀平之世是也

哀哉不能言匪舌是出

尺遂反

維躬是瘁

祖醉反

哿矣能言

巧言如流俾躬處休

鄭氏曰瘁病也 毛氏曰哿可也哀賢人不得言

鄭氏曰不能言言之拙也 李氏曰非出於舌之難

出於舌則躬受其瘁矣

孔氏曰哀哉不能言之賢者意雖欲言言則忤物若出是

舌小人惡直將共害之

毛氏曰可矣世所謂能言也巧言從

俗如水轉流 朱氏曰使其身處於安樂之地 王

氏曰言小人佞而獲福也

又曰忠實之人辭不能自達而病其躬巧言之人以

能曲折應變無所疑止而俾躬處休矣 蘓氏曰言之忠者世之所謂不能言也常可人意者佞人之言也此世所謂能言也 朱氏曰言此所以深嘆之

維曰于仕孔棘且殆云不可使得罪于天子亦云可使

怨及朋友

毛氏曰于往也 鄭氏曰棘急也 蘇氏曰人皆往

仕耳曾不知仕之急且危也何者幽王之世直道者

王之所謂不可使而枉道者王之所謂可使也直道

者得罪於君而枉道者見怨於友此仕之所以難

氏乳

曰朋友之道相切以善今
從君為惡故朋友怨之

謂爾遷于王都曰予未有室家鼠思

息嗣
反

泣血無言不

疾昔爾出居誰從作爾室

王氏曰鼠思憂思也

范氏曰凡物之多
畏惟鼠為甚

毛氏曰無聲

曰泣血 蘓氏曰仕之多患也故君子有去者有居者不忍王之無臣與已之無徒也則告之使復遷于王都去者不聽而以無家辭之居者於是憂思泣血患其出言而舉皆疾之無與和之者故詰之曰昔爾之去也誰為爾作室者而今以是辭我哉

范氏曰君子閔周之

將亡故招其在下之賢者使遷于王都以繫天下之心孔氏曰以其拒已又責之曰我所以憂思泣血欲汝還者以孤特在朝無所出言而為小人所見憎疾故思汝爾何為拒我云無室家乎昔爾從王都出居於郊外之時誰復從汝作汝室也本汝自作之耳汝今若還王都亦可自作室家何當以無室為辭也

雨無正七章二章章十句二章章八句三章章

六句

祈父之什十篇六十四章四百二十八句

呂氏家塾讀詩記卷二十

欽定四庫全書

呂氏家塾讀詩記卷二十一

宋 呂祖謙 撰

小旻之什

小旻

密巾反

大夫刺幽王也

呂氏曰小旻小宛小弁小明言小者篇在小雅恐與

大雅相亂以別之今大雅止有大明餘篇疑亡

蘇氏曰小

旻小宛小弁小明四詩皆以小名篇所以別其為小雅也其在小雅者謂之小故其在大雅者謂之召旻

大明獨宛弁闕馬意者孔子刪之矣雖去其大而其小者猶謂之小蓋即用其舊也

朱氏曰

此詩刺王惑於邪謀不能斷以從善將致亂也

昊天疾威敷于下土謀猶回遘

音

何日斯沮

在呂反

謀臧

不從不臧覆用我視謀猶亦孔之邛

其凶反

爾雅曰秋曰昊天 毛氏曰敷布也

朱氏曰猶謀

也 毛氏曰回邪也遘辟也

鄭氏曰沮止也臧善

也 毛氏曰邛病也

鄭氏曰言天禍迅烈遍于下

矣而王之邪謀終莫之改也

李氏曰幽王不畏天禍愜然自若信用邪謀則

天之禍何時而止也

鄭氏曰謀之善者不從其不善者反用

也朱氏曰謀臧不從不臧覆用故我視其謀猶亦

甚病也董氏曰集注作謨猷回適

渝渝

許急反

訛訛

音紫

亦孔之哀謀之其臧則具是違謀之

不臧則具是依我視謀猶伊于胡底

之履反

蘓氏曰渝渝言相和也訛訛言相詆也

爾雅曰渝渝訛訛莫供職

也前漢劉向上疏曰衆小在位而從邪議歛歛相是而背君子故其詩曰歛歛訛訛亦孔之哀謀之其

臧則具是違謀之不臧則具是依

朱氏曰具猶俱也鄭氏曰謀

之善者俱背違之其不善者依就之 王氏曰謀猶如此則亦何所至乎至於亂而已

我龜既厭

及於艷

不我告猶謀夫孔多是用不集發言盈

庭誰敢執其咎如匪行邁謀是用不得于道

鄭氏曰猶圖也 毛氏曰集就也 鄭氏曰匪非也

卜筮數而瀆龜龜厭之不復告其所圖之吉凶謀事者衆是非相奪莫適可從故所為不成訥訥滿庭而無敢決當是非事若不成誰云已當其咎責者言小

人爭知而讓過

毛氏曰謀人之國國危則死之古之道也

范氏曰當其發言盈庭莫不

自以為能也使之執

往則莫適在患也君臣之謀事如此與不行而坐

圖遠近是於道路無進於跬步何以異乎

孔氏曰謀而不行則

於道不進言而無決則於事不成

董氏曰是用不集韓詩作是用

不就集注亦作就

哀哉為猶匪先民是程匪大猶是經維邇言是聽維邇言是爭如彼築室于道謀是用不潰于成

朱氏曰先民古之聖賢也 毛氏曰程法也 鄭氏

曰大猶大道也 毛氏曰經常也潰遂也 朱氏曰

哀哉今之為謀不以先民為法不以大道為常其所
聽而爭者皆淺末之言以是相持如將築室而與行
道之人謀之人人得為異論其能有成哉古語曰作
舍道旁三年不成蓋出於此

國雖靡止或聖或否

方儿反

民雖靡盬

火吳反

或哲或謀或

肅或艾

刈音

如彼泉流無淪胥以敗

蘇氏曰止定也

范氏曰國雖靡止無所定也

無大也

孔氏曰肅王肅讀為無無

大也無大有大言
少也無喜吳反

丘氏曰艾治也

朱氏曰艾與又同治也本鄭氏

說

朱氏曰淪陷也

鄭氏曰胥相也

蘇氏曰雖

世亂民辟猶有賢者在焉苟能用之愚者可賴以皆
濟也苟廢而不用而使愚者壅之於止則相與皆敗
無能為矣譬如泉水苟疏而流之則淤腐者從之而
行苟不疏其源而滯蓄之雖其流者亦相與陷溺腐
敗而已

呂氏曰今國與民皆有善有惡謀而擇其善可矣乃無所分別則善者亦混而同於惡如

泉流之清淪而為濁也

釋文靡廬韓詩作靡腓猶無幾何也

不敢暴虎不敢馮

符冰反

河人知其一莫知其他戰戰兢兢

兢

已冰反

如臨深淵如履薄冰

毛氏曰徒搏曰暴虎徒涉曰馮河馮陵也他不敬小

人之危殆也戰戰恐也兢兢戒也如臨深淵恐墜也

如履薄冰恐陷也范氏曰人皆知虎不可暴而河

不可馮而不知小人之不可不畏也如臨深淵如履

薄冰者懼之甚也

左傳昭元年晉欒王鮒曰小人之卒章善矣吾從之注義取非唯暴

虎馮河之可畏也不敬小人亦危殆王鮒從斯義故不敢譏議公子圍荀子人不肖而不敬則是狎虎

也狎虎則危災及其身詩曰不敢暴虎不敢馮河人
知其一莫知其其他戰戰兢兢如臨深淵如履薄冰此
之謂也

小旻六章三章章八句三章章七句

小宛大夫刺幽王也

宛

於阮反

彼鳴鳩翰

胡旦反

飛戾天

我心憂傷念昔先人明發不寐有懷二人

毛氏曰興也宛小貌

陸氏艸木疏曰鳴鳩班鳩也

蘓氏曰翰羽也

毛氏曰戾至也

孔氏曰夜地

而闇至旦而明明地開發故謂之明發也

董氏以爲王墓說

蘓氏曰二人文武也 歐陽氏曰此鳩雖小鳥亦

有高飛及天之志而王不自勉強奮起曾飛鳩之不

如以墜其先王之業 蘓氏曰君子憂傷念其先王

有懷文武哀其業之將墜也

孔氏曰文武創業垂統有此天下今將亡滅故

憂念之也我從夕至明間發不能寢寐所思者唯此文武二人將喪其業故思念之甚

釋文

宛作莞 東萊曰念昔先人憫周室之將亡念其開

創之人也其人孰謂即文王武王二人也

人之齊聖飲酒溫克彼昏不知壹醉日富各敬爾儀天

命不又

毛氏曰齊正也 孔氏曰聖通也 毛氏曰克勝也

蘓氏曰彼昏斥幽王也 陳氏曰富益也

毛氏曰
醉日而

富 毛氏曰又復也 朱氏曰言齊聖之人雖醉猶

溫恭自持以勝所謂不為酒困也

鄭氏曰中正通知
之人飲酒雖醉猶

能溫藉自持以勝 孔氏曰溫藉定本箋作溫字舒
瑗云苞裏曰蘊謂溫藉自持作溫者蓋古字通用

長樂劉氏曰彼昏而不醒壹志于酒日增其甚故

曰壹醉日富 王氏曰壹醉日富則用燕喪威儀而

臣下化之天命將改大福不再矣故戒以各敬爾儀
天命不又言各則并戒其君臣也

中原有菽

音叔

庶民采之螟

亡丁反

蛉

音零

有子螺

音果

羸

力果反

負之教誨爾子式穀似之

毛氏曰中原原中也菽藿也

孔氏曰菽者大豆故禮記稱啜菽飲水菽葉謂

之藿公食禮云銅羹半用藿是也

螟蛉桑蟲也螺羸蒲盧也

陸璣艸木疏曰

螟蛉桑上青蟲似步屈其色青而細小螺羸似蜂而小晉取桑蟲負之於木空中七日而化為其子負

持也 孔氏曰教誨萬民而言子者王肅云王者作

民父母故以民為子 鄭氏曰式用穀善也 李氏

曰上章既言天命不又故此申述天命無常之意

鄭氏曰藿生原中非有主也以喻王位無常家也

毛氏曰力采者則得之 鄭氏曰蒲盧取桑蟲之子

負持而去煦嫗養之以成其子喻有萬民不能治則

能治者將得之

蘇氏曰藿生中原民無有不獲采者螟蛉之子裸羸負之以為己子無難

也今王豈以天下之衆為王有也

今有教誨女之萬民用善道者亦

似蒲盧將得而子也

題

大計反

彼脊令

奇零

載飛載鳴我日斯邁而月斯征夙興

夜寐無忝爾所生

毛氏曰題視也脊令解見常棣鄭氏曰載之言則

也則飛則鳴翼也口也不有止息邁征皆行也毛

氏曰忝辱也歐陽氏曰告其速自改悔云譬如春

令且飛且鳴自勤其身不少休息

前漢東方朔云士所以日夜孳孳敏

行而不敢怠也辟若鷺領飛且鳴矣

今日月之行甚速不可失時

陳氏曰日

茲往矣月茲行矣日月不可易得

王氏

王亦宜夙

夜汲汲勉厲庶無忝辱於先王云所生者謂宣王也

釋文無作毋

交交桑扈

音戶

率場

大良反

啄

陟角反

粟哀我填

徒典反

寡宜岸

宜獄握

於角反

粟出卜自何能穀

歐陽氏曰交交者叅雜相亂之謂也 毛氏曰桑扈

竊脂也 鄭氏曰竊脂肉食今無肉而循場啄粟失

其天性

孔氏曰郭璞云俗呼青雀背曲食肉喜盜脂膏食之因以名云

淮南子曰馬不食脂桑

扈不食粟

毛氏曰填盡也

鄭氏曰窮盡也

蘓氏曰岸亦獄也

長樂劉氏曰穀善也 歐陽氏曰此下二章則言

君子小人所苦以見舉國之人皆失所也

呂氏曰五章言下民

無告六章言善人不安也

彼桑扈食肉之鳥今無肉以食則相與

羣飛雜亂循場而爭粟有如國人失其常業而至於

窮寡乃相與爭訟而入於岸獄云宜者謂其勢不得

不然也

丘氏曰桑扈肉食者今循人之穀場而啄粟喻肉食之貪也

鄭氏曰我

窮寡之人有獄訟之事無可以自救但持粟行卜求

其勝負

孔氏曰哀亂之世政以賄成史記曰百金之子不死於市是貧者無財自救但持粟以求

卜者問其勝負

朱氏曰言握粟以見其貧窶之甚卜之曰

何自而能善乎

王氏曰方是時也填寡不能自直必矣則雖出卜自何能穀乎

釋

文曰填韓詩作疹疹苦也岸韓詩作犴音同云鄉亭

之繫曰犴朝廷曰獄

說文作宜犴宜獄

東萊曰獄事以輕

為善以重為不善

溫溫恭人如集于木惴惴

之瑞反

小心如臨于谷戰戰兢兢

兢如履薄冰

毛氏曰溫溫和柔貌如集于木恐墜也

董氏曰莊子以民木處則

惴惴
恟恟

如臨于谷恐隕也

鄭氏曰哀亂之世賢人君

子雖無罪猶恐懼

小宛六章章六句

小弁

步干反

刺幽王也大

音泰

子之傳作焉

趙氏孟子注曰小弁小雅

之篇伯奇之詩也

弁彼鸞

音豫

斯歸飛提提

是移反

民莫不穀我獨

于罹

力知反

何辜于天我罪伊何心之憂矣云如之何

毛氏曰興也弁樂也鸞卑居卑居雅鳥也

孔氏曰卑居又名雅

鳥性好羣聚郭璞曰雅鳥小而多羣腹下白江東呼為鴨鳥

孔氏曰此鳥名鸞

而云斯者語辭猶蓼彼蕭斯莞彼柳斯以劉孝標之

博學而類苑鳥部立鶯斯之目是不精也

董氏曰師曠禽經有

鶯斯非以為辭也爾雅亦曰鶯斯鶯鵲也

李氏曰楊子曰頻頻之黨甚於鶯斯

毛氏曰

提提羣貌 鄭氏曰穀養也罹憂也 毛氏曰幽王

取申女生大子宜臼又說褒姒生子伯服立以為后

而放宜臼將殺之 鄭氏曰樂乎彼雅鳥出食在野

其飽羣飛而歸提提然喻凡人之父子兄弟出入宮

庭相與飲食亦提提然樂傷今大子獨不 李氏曰

凡民莫不得以相養而我獨見棄於父母曾驚斯之不如也 毛氏曰何辜于天我罪伊何舜之怨慕日

號泣于旻天于父母

趙氏孟子注曰親親而悲怨之辭也 呂氏曰反於已而無罪

父母之不我愛何哉求其說而不得則不能無怨故所以怨者乃所以慕也

朱氏曰心

之憂矣云如之何則知其無可奈何而安之之辭也

跼蹐

徒歷反

周道鞠

九六反

為茂艸我心憂傷惄

乃歷反

焉如

擣

丁老反

假寐永嘆維憂用老心之憂矣疢

勅覲反

如疾首

毛氏曰跼蹐平易也周道周室之通道鞠窮也惄思

也 孔氏曰擣如有物之擣心也 鄭氏曰不脫冠

衣而寐曰假寐疾猶病也 孔氏曰疾首頭痛也

李氏曰以周道之平易而盡鞠為茂艸見其國之將

亡也猶漢伍被謂淮南王曰臣將見宮中荆棘露沾

衣也皆預言之耳

長樂劉氏曰昔者周邦道路有四時之朝宗觀過車轍馬蹄蹂踐如

掌蹠蹠然坦平也今之諸侯無復來者故盡生茂艸矣

王氏曰怒馬如擣言

憂傷中其心如此 朱氏曰精神憤耗至於假寐之

中不忘永嘆憂之之深未老而老也

長樂劉氏曰因憂而驟老也

疾如疾首則又憂之甚矣 釋文曰擣韓詩作疔除

又反

維桑與梓

音子

必恭敬止靡瞻匪父靡依匪母不屬

音燭

于

毛不離于裏

音里

天之生我我辰安在

朱氏曰桑梓以遺子孫給蠶食具器用者也 王氏

曰尊父故言瞻親母故言依也 孔氏曰屬連屬也

朱氏曰毛體膚之餘氣末屬也 王氏曰離麗也

朱氏曰裏心腹也 鄭氏曰辰謂六物之吉凶

孔氏

曰言我初生之辰有所值故知謂六物也左傳晉侯謂伯瑕曰何謂六物對曰歲時日月星辰服虔以為歲歲星也十二歲而一周時四時也日十日也月十二月也星二十八宿也辰十二辰也

蘓氏

曰見父母之有所植猶不敢不敬況於父母之無不

瞻依也哉然父母之不我愛豈我獨無所離屬乎毛氏

曰父之所樹已尚不敢不恭敬朱氏曰然父母之不我愛豈我不屬於父母之毛乎豈我不離于父母

之裏乎孔氏曰大子為父所放爾非母放之而并言母者以人皆得父母之恩故連言之朱

氏曰無所歸咎則推之於天曰豈我生之辰不善哉

何不祥至是也

菀

音鬱

彼柳斯鳴蜩

音條

嘒嘒

呼惠反

有淮

于罪反

者淵崔

音丸

葦

韋鬼反

淠淠

字計反

譬彼舟流不知所届

音戒

心之憂矣不遑

假寐

朱氏曰菀茂盛貌毛氏曰蜩蟬也嘒嘒聲也淮深

貌淠淠衆也鄭氏曰届至也遑暇也柳木茂盛則

多蟬淵深而旁生崔葦言大者之旁無所不容

蘇氏曰物

之大者無所不容今太子不為王所容而見放逐狀

如舟之流行無制之者不知終所至者也

王氏曰舟流者蕩漾

而無所止也孟子所謂若窮人無所歸也

長樂劉氏曰初猶假寐此則

不遑其禍亟矣董氏曰崔葦韓詩作崔葦

鹿斯之奔維足伎伎

其宜反

雉之朝雉

占豆反

尚求其雌譬

彼壞

胡罪反

木疾用無枝心之憂矣寧莫之知

孔氏曰斯辭也

毛氏曰伎伎舒貌

鄭氏曰雉雉

鳴也尚猶也

毛氏曰壞痼也謂傷病也

孔氏曰爾雅云痼木

符萑某氏曰詩云譬彼痼木疾用無枝符萑疋偃內疾痼磊郭璞曰謂木病疋偃癭踵無枝條者痼胡罪反萑力侯反疋鳥皇反偃紆禹反癭於并反

鄭氏曰寧猶曾也鹿之奔

走其勢宜疾而足伎伎然舒留其羣也雉之鳴猶知
求其雌 蘓氏曰鹿走而留其羣雉鳴而求其雌物
無不有恩於其親者親之不可去非獨以其愛亦以
其助也今王獨棄后而逐太子兀然如壞木之無枝
而曾莫之顧何也 王氏曰其憂如此王晏然莫知
也

相

息亮反

彼投鬼

他故反

尚或先

蘓薦反

之行有死人尚或瑾

觀

之君子秉心維其忍之心之憂矣涕既隕

音蘊之

鄭氏曰相視也行道也

孔氏曰瑾埋藏之名

毛氏曰瑾

路冢也 孔氏曰埋於路傍故曰路冢左傳曰道瑾相望是也

鄭氏曰君子斥幽

王也秉執也

毛氏曰隕墜也

王氏曰兔見迫逐

而投人人宜利而取之也乃或先之使得辟逃

劉氏曰兔

為人所驅急投人人哀其窮則及驅者未至而先存之今俗猶言飛鳥入懷勿殺殺之不祥此投兔之比

行路之死人人宜惡而違之乃或瑾之使免暴露者

惻隱之心人所宜有故也

鄭氏曰言此所不知其心不忍 孔氏曰謂不與走

獸死人有相知其心不忍耳

朱氏曰幽王信讒棄逐其子曾視

投鬼死人之不如則其秉心亦忍矣是以心憂而涕
隕也

君子信讒如或醕

市由反

之君子不惠不舒究之伐木倚

倚彼反

矣析薪施

叔氏反

矣舍

捨音

彼有罪予之佗

吐賀反

矣

鄭氏曰醕旅醕也

孔氏曰醕酢皆作酬此作醕者古字得通用醕有二等既酢而酬賓

者賓奠之不舉謂之奠酬至三爵之後乃舉嚮者所奠之爵以行之於後交錯相酬名曰旅酬此喻得說即受而行之故知是旅酬非奠酬也

惠愛也

朱氏曰舒緩也究察也

孔氏曰倚者倚也畏木倒以物倚其巔也 鄭氏

曰拙謂觀其理也

孔氏曰拙者施也言觀其裂而漸相施及

毛氏曰佗

加也

孔氏曰含有罪而以罪與他人是從此而往加也

孔氏曰幽王信褒

姒之讒曾不思審得即用之如有人以酒相酺得即

飲之幽王心不愛太子之故聞讒即逐不肯安舒

朱氏曰苟舒緩而究察之則讒者之情得矣 毛氏

曰伐木者倚其巔析薪者隨其理

鄭氏曰倚其巔者不欲妄蹈之析薪

必隨其理者不欲妄挫折之以言今王之過太子不如伐木析薪

王氏曰伐木析

薪非愛之也然亦不可以無理言王以讒故遇已無

理又伐木析薪之不如也舍彼有罪予之佗矣者言以不舒究之故舍彼有罪之讒人而加已以非其罪此所謂無理也

莫高匪山莫浚

蘇俊反

匪泉君子無易

夷鼓反

由言耳屬

音燭

于垣

音袁

無逝我梁無發我筍

音苟

我躬不閱遑恤我後

毛氏曰浚深也

陳氏曰由言言之所由發也

朱

氏曰山極高矣而或陟其巔泉極深矣而或入其底故君子不可易於其言恐耳屬於垣者有所觀望左

右而生讒譖也

陳氏曰王無輕發言小人之為讒者尚屬耳於垣壁間以窺伺之讒賊之

生也亦伺君子之向背如何耳

王於是卒以褒姒為后伯服為太子

故告之曰毋逝我梁毋發我笱我躬不閱遑恤我後

王氏曰毋逝我梁毋發我笱者太子放逐而其憂

終不忘國也

蘇氏曰恐褒姒伯服之害其成業故告之以無敗梁笱猶谷風之義也

毛氏曰念父孝也左傳大叔文子曰詩所謂我躬不

閱遑恤我後東萊曰唐德宗將廢太子李泌諫之

且曰願陛下還宮勿露此意左右聞之將樹功於舒

王太子危矣君子無易由言耳屬於垣之謂也小弁之作太子既廢矣而猶云爾者蓋推本亂之所由生言語以為階也

小弁八章章八句

巧言刺幽王也大夫傷於讒故作是詩也悠悠昊天

曰父母且

七餘反

無罪無辜亂如此憮

火吳反

昊天已威予

慎無罪昊天泰憮予慎無辜

李氏曰悠悠言天遠大之意歐陽氏曰且語助

毛氏曰懣大也 鄭氏曰已泰皆言甚也 歐陽氏

曰慎謹慎也大夫傷遭亂世被讒毀乃呼天而訴曰
悠悠昊天為我父母我無罪辜而使我遭此大亂之

世 李氏曰上天降喪亂亦甚威甚大矣然我其實

畏謹無罪也 朱氏曰此自訴之辭欲其察已也

亂之初生譖側 蔭始既涵音亂之又生君子信讒君子

如怒亂庶遄市 專沮辭 呂君子如祉音亂庶遄已

朱氏曰譖始不信之端也 鄭氏曰潛 毛氏曰涵容

也 丘氏曰君子幽王也 毛氏曰遇疾也沮止也

祉福也

朱氏曰祉猶喜也

蘓氏曰小人為讒於其君必以

漸入之其始也進而嘗之君容之而不拒知言之無

忌於是復進既而君信之然後亂成

陳氏曰小人以不根之言搖動

君子人君不為之別白遂致並蓄於胃次而涵之於疑信之間日月既久心志惑疑猜忌之心不能不生猜忌既久則心所疑惑者往往以為有驗

朱氏曰君子見讒人之言若

怒而責之則亂庶幾遏沮矣見賢者之言若喜而納

之

鄭氏曰福者福賢者謂爵祿之也

則亂庶幾遏已矣今涵容不斷

讒信不分是以讒者益勝而君子益病也

君子屢

力住反

盟亂是用長

丁丈反

君子信盜亂是用暴盜

言孔甘亂是用餽

音談

匪其止共

音恭

維王之卬

其恭反

鄭氏曰屢數也 毛氏曰凡國有疑會同則用盟而

相要也

朱氏曰盟邦國有疑則殺牲歃血告神以相要束也

鄭氏曰盜謂小

人也

孔氏曰讒者小人因以盜名之

毛氏曰餽進也

鄭氏曰卬

病也 王氏曰不能如怒如社以明是非好惡而誣

罔誕謾衆至則任賢安能勿貳去邪安能勿疑既貳

且疑豈免屢盟屢盟而不知反本此亂之所以長也

李氏曰考之春秋如伯有之亂鄭伯與其臣下盟蓋盟者生於君臣相疑而致之君臣相疑不能察其實而但為盟誓適所以長亂也穿窬之類伺隙抵巇以罔善人而君

子信讒此亂之所以暴也 孔氏曰食之甘者使人嗜之而不厭險盜之人其言甚甘使人信之而不已其亂用是之故而日益進也 朱氏曰然此讒人不能供其職事徒以為王之病而已 董氏曰止共韓詩作止恭

奕奕

音亦

寢廟君子作之秩秩

音映

大猷聖人莫之他人有

心予忖

七損反

度

待落反

之躍躍

他歷反

鼯

士咸反

鬼遇

犬獲之

朱氏曰興也

毛氏曰奕奕大貌

孔氏曰周禮注

云前曰廟後曰寢則寢廟一物先寢後廟便文耳

朱氏曰秩秩序也

鄭氏曰猷道也

王氏曰莫定

也孔氏曰躍躍然跳疾毛氏曰鼯兔狡兔也

孔氏

曰蒼頡解詁云鼯大兔也大兔必狡猾又謂之狡兔戰國策曰東郭逡者海內之狡兔

孔氏

曰遇犬者言鬼逢犬則被獲耳王肅云言其雖勝躍

逃隱其迹或適與犬遇而見獲鄭氏曰此四事者言各有所能也因已能忖度讒人之心故列道之爾

朱氏曰此章言讒人之心我既皆得之無所隱情

而前後六句皆反覆興此耳史記春申君書曰詩云

超超逸逸遇犬獲之他人有心余忖度之

注韓嬰章句曰超超

往來貌

荏

而甚反

染柔木君子樹之往來行言心焉

歐陽氏於虔反

數

所主

反之蛇蛇

以支反

碩言出自口矣巧言如簧

音黃

顏之厚矣

毛氏曰荏染柔意也柔木椅桐梓漆也朱氏曰行

言行道之言也歐陽氏曰蛇蛇乃舒遲安閒之貌

鄭氏曰碩大也歐陽氏曰柔木比柔善之人王

宜愛護使得樹立勿縱讒邪傷害之也往來行言心
焉數之云者謂往來行路之言焉足聽納於心也

蘇氏曰小人蛇蛇然徐為大言歐陽氏曰徐緩取

為大言出口而無忌憚王氏曰讒人言巧其聽之

可樂如笙簧然頑不知耻其顏厚矣孟子曰為機變

之巧者無所用耻焉此之謂也 東萊曰善人易搖而難立護之當如護柔木讒言易入而難忘聽之當如聽行路之言人之聽往來行路之言者或歌或詈如風過耳心焉嘗數之乎蛇蛇碩言出自口矣巧言如簧顏之厚矣既不為其所惑坐見其情態也

彼何人斯居河之麋

音暑

無拳

音權

無勇職為亂階既微且

虺

市勇反

爾勇伊何為猶將多爾居徒幾何

鄭氏曰何人者斥讒人也賤而惡之故曰何人 毛

氏曰水艸交謂之麋拳力也 鄭氏曰職主也 毛

氏曰胛

戶諫反

瘍

羊音

為微腫足為尪

鄭氏曰

居下濕之地故生微尪之疾

孔氏曰郭璞云胛脚脛也瘍瘡也膝脛之下有瘡腫是涉水所為脛戶定反

鄭氏曰猷

謀也將大也 蘓氏曰時有是人也 朱氏曰居河

之麋則非高明爽塏

音

之地也

孔氏曰既無拳力

又無勁勇亦易誅除耳而敢主為此亂之階梯也此

人既脚胛有微之疾而足跗

音

有尪之疾爾假有勇

伊何能為汝作為讒佞之謀大多汝所與聚居之徒

衆幾何許人而能為此 說文曰瘡脰氣

音

足腫詩

曰既微且瘡 東萊曰詩人指讒人言曰彼何人也

其居至陋其力至怯乃主為亂階況加以微瘡之病
則其所謂勇者亦何所至哉為謀雖曰大且多爾所
居之徒幾何則為之謀者亦不衆也此非特賤讒人
之辭蓋言其本易驅除特王不悟耳

巧言六章章八句

何人斯蘇公刺暴公也暴公為卿士而譖蘓公焉故蘓

公作是詩而絕之

鄭氏曰暴也蘓也皆畿內國名孔氏曰左傳曰昔周克商使諸侯撫封

蘓忿生以溫為司寇則蘓國在溫春秋時蘓緡子此云公者子蓋子爵而為三公也

王氏曰暴公為卿士而譖蘓公不忠於其君不義於其友所謂大故也故蘓公作是詩絕之其絕之也不斥暴公也言其從行而已不著其譖也示以所疑而已蓋交際之道其絕也當如此而已既絕矣又告之以及爾如貫諒不我知欲出三物要之以詛而作為好歌以極反側不殆於棄言乎哉蓋君子之遇人也

仁而不忤暴公之譖我則喪其本心諒不我知故也
使其由此悔悟更以善意從我固我所願也雖其不
能如此我固不為已甚我豈若小丈夫哉一與人絕
則醜詆固拒惟恐其復合也

彼何人斯其心孔艱胡逝我梁不入我門伊誰云從維
暴之云

鄭氏曰孔甚逝之也梁魚梁也在蘓國之門外

蘓氏曰梁

也橋

朱氏曰彼何人斯不欲斥其人而言也 孔氏

曰其心孔艱其持心甚難知也 朱氏曰逝我梁則

必過我門然而不入者其必有故矣既而詰其所從者則暴公也夫以從暴而不入我門則暴公之譖已

也明矣

呂氏曰託過門不入之喻以道其反側之情情之不直諷我必矣

二人從行誰為此禍胡逝我梁不入唁

音彦

我始者不如

今云不我可

鄭氏曰二人者謂暴公與其侶也女相隨而行見王誰作我是禍乎時蘓公已得譴讓也女即不為何故

近之我梁而不入弔唁我乎 丘氏曰始者與我情

意厚今乃不入我門是始者不如今也其云不我可

乎疑之矣

蘇氏曰始謂我可而今謂我不可也

彼何人斯胡逝我陳我聞其聲不見其身不愧于人

畏于天

毛氏曰陳堂塗也

孔氏曰釋宮云堂塗謂之陳孫炎曰堂下至門之徑

鄭氏

曰女即不為何故近之我庭使我得聞女之聲音不

得覩女之身乎女今不入唁我何所愧畏乎皆疑之

未察之辭

彼何人斯其為飄

避遙反

風胡不自北胡不自南胡逝我

梁祇

音攪

交卯反

我心

毛氏曰飄風暴起之風也

鄭氏曰祇適也

毛氏

曰攪亂也

朱氏曰言往來之疾若飄風然

鄭氏

曰不欲入見我何不乃從我國之南不則乃從我國

之北何近之我梁適亂我之心使我疑女

朱氏曰自北自南則

與我不相值也今乃逝我之梁則適所以攪亂我心而已

爾之安行亦不遑舍爾之亟

紀力反

行遑脂

音支

爾車壹者

之來云何其盱

況于反

鄭氏曰遑暇亟疾盱病也

孔氏曰極其情以疑之

我止欲言汝安舒而行乎亦不見汝間暇而舍息止欲

言汝之急疾而行乎汝又何暇而脂汝之車 鄭氏

曰極其情求其意終不得壹者之來見我於汝亦何

病也

蘇氏曰壹來見我於汝何病哉 朱氏曰盱望也字林云盱張目也易云盱豫悔三都賦云盱

衡而語是也何不一來見我如何而使我望汝之切乎

東萊曰謂汝行之緩

乎何為不少舍息而見我也謂汝行之急乎何為復有暇而脂車也

爾還而入我心易

夷鼓反

也還而不入否

方九反

難知也壹

者之來俾我知也

鄭氏曰還行反也祇安也 朱氏曰爾之往也既不

入我門矣 丘氏曰儻爾還而入則我心平易無疑

王氏曰入則我心平易而不之怨也

今還而不入謂不諧我則難知

董氏

曰過我門矣而不入雖曰不為諧害其可得而知乎

朱氏曰其或一來見我

而使我心安乎 董氏曰是詩至此辭益緩若不知

其為譖矣 釋文曰易韓詩作施施善也

伯氏吹壎

況袁反

仲氏吹篪

音池

及爾如貫

古亂反

諒不我知

出此三物以詛

側助反

爾斯

鄭氏曰伯仲喻兄弟也

毛氏曰土曰壎竹曰篪

孔氏

曰壎周禮小師職作壎古今字異耳注云壎六孔燒土為之爾雅釋樂云大壎謂之器郭璞云大如鵠子銳上平底形似稱錘小者如鷄子釋樂又云大篪謂之沂郭璞云篪以竹為之長尺四寸圍三寸八孔一孔上出徑三分橫吹之小者尺二寸小師注篪七孔蓋不數其上出者故七也世本云暴辛公作壎蘇成

公作譙周古史考云古有頊麓尚矣周幽王時暴

辛公善頊麓成公善麓器居弔反稱尺證反銚直危

反李氏曰世本古史考見此詩言伯氏吹頊仲氏吹麓遂為此說皆求詩之過也如貫如物

之在繩索之貫也董氏曰如貫弁貫朱氏曰諒誠

也毛氏曰三物豕犬雞也民不相信則盟詛之王氏

曰出此三物蓋若鄭莊公令出雞天獬以詛毛遂取

雞狗馬之血以盟也蓋古盟詛如此也孔氏曰詛

小於盟左傳襄十一年季武子將作三軍盟諸僖閭

詛諸五父之衡定六年既逐陽虎盟國人於亳社詛

諸五父

之衡

比

比如物之在貫鄭氏曰俱為王臣其相女豈誠不我

比次如物之在貫也

呂氏家塾詩記

知也則出夫豕雞三物以詛之可也

孔氏曰若實不
諧者則當共出

天豕雞之三物以詛盟
使讒否有決令我不疑

為鬼為蜮

音

域則不可得有醜

土典反

面目視人罔極作此

好歌以極反側

毛氏曰蜮短狐也

孔氏曰洪範五行傳蜮如鼃三足
生於南越陸璣疏曰一名射影江

淮水皆有之人在岸上影見水中投人影則
殺之或曰含沙射人皮肌其瘡如疥是也

醜姑

戶刮

反也

孔氏曰說文云醜面見人姑面醜
也然則醜與姑皆面見人之貌

鄭氏曰好

善也

孔氏曰反側者翻覆不正直之義

歐陽氏

曰汝隱匿形迹能使我不見不覺如鬼蜮之肆害於人乎我則不得而知汝今汝乃人爾日以面目與我相視無窮極不可秘藏我安得不知汝之諧我乎

鄭氏曰作八章之歌求女之情反側極於是也

孔氏曰作

此八章之善歌窮極爾反側之情 王氏曰作是詩將以絕之也而曰好歌者唯其好也是以極求其反側極其反側非惡之也有欲其悔悟之心焉爾

何人斯八章章六句

巷伯刺幽王也寺人傷於讒故作是詩也

孔氏曰後宮稱永巷是宮

內道名也伯長也主宮內道官之長陳氏曰巷伯寺
人之長者也詩名巷伯以寺人解之明巷伯即寺人也
呂氏曰寺人近習也近習日見于君然猶傷於讒則
幽王之不明可知董氏曰當幽王之世大臣傷於讒
如蘇公小臣傷於讒如寺人孟子則上下
其得以免乎無列於此著其所以亂也
反乎匪
今成是貝錦彼譖人者亦已大甚
泰音甚

毛氏曰萋斐文章相錯也貝錦錦文也

鄭氏曰錦文者文如餘泉

餘蚺之貝文也蚺直基反孔氏曰錦而連貝故知
為貝之文釋魚說貝文狀云餘蚺黃白文餘泉白黃
文李巡曰餘蚺貝甲黃為質白為文彩餘泉貝甲以
白為質黃為文彩陸璣疏云貝水介蟲也其文彩之
異小大之殊甚眾古者貨貝是
也今凡真交趾以為杯盤寔物
鄭氏曰喻讒人集

作已過以成於罪猶女工之集采色以成錦文李

氏曰喻讒人織其罪也朱氏曰彼為是者亦已太

甚矣說文曰縷白文貌詩曰縷兮斐兮成是貝錦

哆昌者反兮侈尺是反兮成是南箕彼譖人者誰適與謀

蘓氏曰哆侈皆張也毛氏曰哆大貌說文曰侈張口也孔氏曰侈者因物而大

之名禮於衣袂半而益一謂之侈袂毛氏曰南箕箕星也鄭氏曰箕星哆然踞

狹而舌廣孔氏曰箕四星二為踞二為舌鄭氏曰適往也陳氏曰

南箕之星本非箕張大其口以成其名爾貝錦南箕

皆曰成是者言我本無是實因姜斐張大以成之爾

鄭氏曰誰往就汝謀乎恠其言多且巧 董氏曰

崔靈恩集注侈兮侈兮說文作鈔兮侈兮鈔曲也一

曰驚鼎

緝緝

七立反

翩翩

音篇

謀欲譖人慎爾言也謂爾不信

毛氏曰緝緝口舌聲翩翩往來貌

長樂劉氏曰緝緝言能棲析姜斐以

成經緝也翩翩言念念為諧如高飛之禽翩翩不能自已也

孔氏曰口舌緝緝

然往來翩翩然謀欲為讒諧以害人 李氏曰此言

讒人之意惟欲諧人爾無它營為也 陳氏曰諧人

者自謂得意更宜保慎爾言 王氏曰不慎爾言則

聽者有時而悟謂爾不信矣

捷捷幡幡

芳煩反

謀欲諧言豈不爾受既其女遷

毛氏曰捷捷猶緝緝也幡幡猶翩翩也

陳氏曰捷捷僕判貌幡幡

反覆貌

王氏曰豈不爾受既其女遷者上好諧則固

將受汝然好諧不已則遇諧之禍既遷而及汝矣 董氏

曰即人者人亦即之使王好讒故得諧人以自逞然人誰不欲逞乎則其移於女也不久矣

曾

氏曰謂爾不信既其女遷皆君子忠告之辭 說文

作聃聃幡幡聃語也

驕人好好勞人艸艸蒼天蒼天視彼驕人矜此勞人

毛氏曰好好喜也 蘓氏曰艸艸憂也 王氏曰驕

人好好勞人艸艸者驕人諧行而得意勞人遇諧而

失度其狀如此也 李氏曰呼天而告之曰察此驕

人之有罪乎憫此勞人之無辜乎

彼諧人者誰適與謀取彼諧人投畀

必二反

豺

士皆反

虎豺

虎不食投畀有北有北不受投畀有昊

毛氏曰投棄也

說文曰豺狼屬狗聲

毛氏曰北

方寒涼而不毛

孔氏曰擲于有北寒鄉使凍殺之

昊天也

朱氏

曰再言彼譖人者誰適與謀者甚嫉之故重言之也

不食不受言讒譖之人物所共惡也

鄭氏曰有北

不受投畀有昊付與昊天制其罪也

孔氏曰緇衣

曰惡惡如巷伯言欲其死亡之甚

子曰好賢如緇衣惡惡如巷伯則爵

不漬而民作愆刑不試而民咸服

蓼蓼者莪匪莪伊蔚

蔚音

哀哀父母生我勞瘁

似醉反

毛氏曰蔚牡蒿

去刃反

也

陸璣

州木疏云牡蒿也三月始生七月華華似胡麻華而

紫赤八月為角角似小豆角銳而長一名馬新蒿

鄭氏曰瘁病也

鉶

蒲丁反

之聲

苦定反

矣維罍

音雷

之耻鮮

息淺反

民之生不如

死之久矣無父何怙

音戶

無母何恃出則銜恤入則靡至

毛氏曰鉶小而罍大

孔氏曰罍形似壺大者受一斛

罄盡也鮮寡也

鄭氏曰恤憂靡無也

王氏曰鉶譬則民也罍譬

則君也鉶之罄則罍之耻民之窮則君之羞 呂氏

曰鮮猶窮獨之義言窮獨而從役其生不如死也

孔氏曰所以然者以無父何所依怙無母何所倚恃

長樂劉氏曰出則銜無窮之恤 曾氏曰入則靡

至無所歸殺也

孔氏曰已無父母出門則中心銜憂旋來入門則望宇空職不復覩見是

其所以悲恨也

說文曰罄空也詩曰甌之罄矣去徑切

父兮生我母兮鞠我拊

音撫

我畜

喜都反

我長我育我顧我

復我出入腹我欲報之德昊天罔極

毛氏曰鞠養也 孔氏曰拊拊猶也

長樂劉氏曰防其驚也則拊之

朱氏曰畜亦養也

鄭氏曰育覆育也

孔氏曰謂其寒暑或

身體嫗之覆近而愛育焉

顧旋視也

孔氏曰謂去之而反顧也

復反覆也

丘氏曰顧

旋視復反覆不能暫捨也

腹懷抱也

孔氏曰謂置之於懷抱

毛氏曰腹厚

也父兮生我者本其氣也

李氏曰拊我畜我而下

皆重復言生育之恩也

朱氏曰父母之恩如此欲

報之以德而父母之恩如天之無窮不知所以為報

也

南山烈烈飄

避反遙

風發發民莫不穀我獨何害

王氏曰南山之氣烈烈 丘氏曰烈烈氣之寒 毛

氏曰發發疾貌 鄭氏曰穀養也 蘓氏曰虐政之

病人如大寒之視南山而聞飄風 歐陽氏曰南山

烈烈望之可畏也飄風發發暴急而中人也 鄭氏曰

苦見役視南山則烈烈然 王氏曰民莫不穀我獨

何害傷已獨不得終養也 朱氏曰我獨何 孔氏曰

它得孝養已獨寒苦此怨者之常辭

南山律律飄風弗弗民莫不穀我獨不卒

王氏曰南山之勢律律蓋萃

子恤反

律

音

之謂也

毛

氏曰律律猶烈烈也弗弗猶發發也

陳氏曰弗弗動貌

鄭

氏卒終也我獨不得終養父母重自哀傷也

蓼莪六章四章章四句二章章八句

大東刺亂也東國困於役而傷於財譚

徒南反

大夫作是

詩以告病馬

孔氏曰譚國在京師之東左傳注譚國在濟南平陵縣西南

杜氏

有餘

音蒙

簋

音軌

飧

音孫

有棘

音料

棘七

必履反

周道

如砥

之履反

其直

如矢

君子所履小人所視睠

音卷

言顧之潛

所森反

焉

出涕

音體

毛氏曰興也饒滿簋貌殮熟食謂黍稷也

孔氏曰禮之通例皆

簋盛稻粱
簋盛黍稷

棟長貌也所以載鼎實棘赤心也

孔氏曰雜記云

也用桑長三尺謂喪祭也吉禮用棘鼎實煮肉也煮肉必實之於鼎必載之者以古之祭祀享食必體解其肉之胖既大故須以也載之謂出之鼎升之於俎也棘木赤心

孔氏曰砥謂礪

石言其平也禹貢曰礪砥砮

音奴

丹矢則言其直君子

小人在位與民庶也

毛氏曰睠反顧也潛涕下貌

蘓氏曰思先王之世諸侯富足其簋之殮饒然其

鼎之也棟然

孔氏曰言有饒然滿者簋中黍稷之殮也有棟然長者棘木載肉之也

歐陽氏曰周道平直而賦役均 李氏曰在位之君

子則履而行之在下之小人則瞻而視之 鄭氏曰

此事在乎前世過而去矣從今顧視之為之出涕傷

今不如古也

蘇氏曰當是時也周之所以取於諸侯者平均正直凡今之君子猶及行之小

人猶及見之至於幽王遂不然是以顧之而出涕也

小東大東杼

直呂反

柚

音遙

其空糾糾

居黥反

葛屨

九具反

可以

履霜能佻

徒彫反

公子行彼周行

戶郎反

既往既來使我心

疚

救音

蘓氏曰自周視諸侯皆東也 孔氏曰杼持緯者也

說文曰
盛緯器

董氏曰袖卷織者

朱氏曰袖
受經者也

毛氏曰空

盡也

董氏曰糾糾䟽貌

鄭氏曰葛屨夏屨也

孔氏

曰夏曰
之葛履

朱氏曰佻輕薄不耐勞苦之貌

呂氏曰佻
佻輕佻驕

傲之
貌

毛氏曰公子譚公子也

陳氏曰公子不必諸
侯之子貴者之稱也

呂氏曰行即道也周行周之道路

朱氏曰周
行大路也

鄭

氏曰疚病也賦斂小亦於東大亦於東 蘓氏曰小

大皆取於東東人之杼袖空矣

董氏曰譚為東方小
國土地之出麻絲其

重也

歐陽氏曰至於窮乏以葛屨而履霜 王氏曰

公子不宜服役今公子行彼周之道路則餘人可知矣 朱氏曰奔走往來不勝其勞使我心憂而病也

有洌

洌音列

沈音軌

泉無浸

子鵬反

穫

戶郭反

薪契契

苦計反

寤歎哀

我憚

丁佐反

人薪是獲薪尚可載也哀我憚人亦可息也

毛氏曰洌寒意也側出曰沈泉穫艾也契契憂苦也

憚勞也 鄭氏曰尚庶幾也 朱氏曰載載以歸也

歐陽氏曰此告病之辭也 孔氏曰洌然寒氣之

沈泉無得浸漬我所獲之樵薪以浸之則濕腐不中
用也譚大夫契契憂苦而寤寐之中嗟哀憐我譚國
勞苦之民極斂之則困病也 蘓氏曰薪已艾矣而
復浸之則腐民已勞矣而復事之則病故已艾則庶
其載而畜之已勞則庶其息而安之 釋文浸作寢

東人之子職勞不來

音齊

西人之子絮絮衣服舟人之子

熊羆是裘私人之子百僚

力彫反

是試

朱氏曰東人諸侯之人也 鄭氏曰職主也

朱氏曰職專主

也

毛氏曰來勤也

孔氏曰來勤釋詁文以不被勞來為不見勤故來薇序曰秋杜

以勤歸即
是勞來也

西人京師人也粲粲鮮盛也舟人舟楫之

人孔氏曰私人皂隸之屬玉藻云大夫私事使私

人擯以臣毛氏曰試用也鄭氏曰東人勞苦而

不見謂勤

孔氏曰東國之子主為勞苦盡財以供王賦而曾不見謂以為勤以譏人空竭為常

不愧
之也

歐陽氏曰周人方事侈富潔其衣服以相誇

至於操舟之賤亦衣熊羆之裘而私家之人皆備百

官而祿食

王氏曰私人之子試於百僚則絕功臣之世棄賢者之類寔賤者用事而貴也

朱氏曰此言賦役不均羣小得志也

或以其酒不以其漿鞞鞞

胡夫反

佩璲

音遂

不以其長維天

有漢監

古楚反

亦有光跂

丘政反

彼織女終日七襄

毛氏曰鞞鞞長貌璲瑞也

鄭氏曰佩璲者以瑞玉為

後漢輿服志曰古者

君臣佩玉五伯迭興戰兵不息解去綬佩留其綬璲以為章表故詩曰鞞鞞佩璲此之謂也綬佩既廢秦乃以采組連結於璲轉相結受故謂之綬漢承秦制而弗改故加之以雙印佩刀之飾至孝明皇帝乃為大佩銜牙雙璲漢天河也有光而無所明

孔氏曰楊泉物理倫

云漢水之精也氣發而升精華浮上宛轉隨流名曰天河一曰雲漢

鄭氏曰監視也

毛氏曰跂隅貌 朱氏曰織女星名在漢旁

孔氏曰孫

毓云織女三星跂然如隅然則三星鼎足而成三角望之跂然

鄭氏曰襄駕也駕

謂更其肆也從旦至暮七辰辰一移因謂之七襄

孔氏

曰肆謂止舍處天有十二次日月星辰所止舍也在天為次在地為辰星之行晝夜雖各六辰數者舉其終始故七即自卯至酉也 朱氏曰東人或饋之以酒西人曾不

以為漿東人或與之以韜然之佩而西人曾不以為

長維天之有漢則庶乎其有以監我

歐陽氏曰譚人仰訴於天言我

民困矣天之雲漢有光亦能下監我民乎其不言日月之明而言雲漢之光者謂不能下監也 而織

女之七襄則庶乎其能成文章以報我矣無所赴愬

而言惟天庶乎其恤我爾 董氏曰古爾雅曰臯臯

琁琁刺素餐也釋曰琁琁佩璲則古字作琁今爾雅

文作琚 說文跂頃也頭頃也頃頭不正也 詩曰跂彼織

女去智切

雖則七襄不成報章反 曉

華板反

彼牽牛不以服箱東有啟

明西有長庚有捄天畢載施之行

戶郎反

毛氏曰報章反報成章也曉明星貌

孔氏曰曉然而明

河鼓

謂之牽牛

孔氏曰爾雅以河鼓牽牛為一星李巡孫炎以為二星不知其同異

丘氏

曰服箱猶言駕車也

朱氏曰易曰服牛乘馬

毛氏曰箱大車

之箱也

孔氏曰兩較之內謂之箱甫田曰乃求萬斯箱書傳曰長幾充箱是車內容物之處日

旦出謂明星為啟明日既入謂明星為長庚庚續也

長樂劉氏曰金星朝在東所以啟日之明夕在西所以續日之長李氏曰鄭樵云啟明星長庚水星

金在日西故日將出則東見水在日東故日將沒則西見掾畢貌畢所以掩兔也

孔氏曰駕鶩曰畢之羅之月令禁羅網畢罰無出國門是田器也

天畢畢星也鄭

氏曰行行列也

歐陽氏曰天雖有織女不能為我

織而成章

鄭氏曰織女有織名爾駕則有西無東不
如人織相反報成文章 孔氏曰織之用

緯一來一去
是報反成車

雖有牽牛不能為我駕車而輸物雖有

啟明長庚不能助日為晝俾我營作

鄭氏曰啟明長
庚皆有助日之

名而無
實光也

雖有天畢不能為我掩捕鳥獸

孔氏曰在天
之畢徒施於

二十八宿之行列而
已何曾見其掩兔乎

朱氏曰至是則知天亦無若

我何矣

維南有箕不可以斂

波我反

揚維北有斗不可以挹

音揖酒

漿維南有箕載翕

計急反

其舌維北有斗西柄

彼病反

之揭

反居竭

朱氏曰箕星夏秋之間見於南方斗北斗也 毛氏

曰挹斟

斟于反廣雅云酌也

也

鄭氏曰翕猶引也 董氏曰

箕其踵似箕且有舌斗其方如斗且有柄箕四星二為踵二為舌踵狹而舌廣故曰翕斗四星為斗三星為柄垂而下揭故曰揭 朱氏曰斗西柄亦秋時也

歐陽氏曰雖有箕不能為我歎揚糠粃雖有斗不能為我挹酌酒漿箕斗非徒不可用而已箕引其舌

反若有所噬斗西其柄反若有所挹取於東也 朱氏曰是天非徒無若我何乃亦若助西人而見困甚怨之辭也

大東七章章八句

四月大夫刺幽王也在位貪殘下國構古又反禍怨亂竝

興焉

董氏曰韓詩作四月歎征役也

四月維夏六月徂暑先祖匪人胡

寧忍予

朱氏曰興也 李氏曰乃夏之四月六月也 毛氏

曰徂往也六月火星中暑盛而往矣

孔氏曰月令季夏六月昏大火

中

朱氏曰四月維夏則六月徂暑矣先祖豈非人

乎而何寧忍使我遭此禍也無所歸咎之辭也

王氏曰先

祖匪人乎亦人爾則不宜忍其後使之遇亂世

秋日淒淒

七西反

百卉

許貴反

具腓

考非反

亂離瘼

音莫

矣爰其

適歸

毛氏曰淒淒涼風卉艸也

鄭氏曰具猶皆也

毛

氏曰腓病也

丘氏曰離離散也

家語曰詩曰亂離瘼矣此傷離散以

為亂者也

毛氏曰癘病也 杜氏左傳注曰爰於也

毛氏曰適之也 鄭氏曰涼風用事則衆艸皆病

杜氏左傳注曰禍亂於何所歸乎歎之家語作奚其
適歸 東萊曰秋日冬日猶云秋時冬時也

冬日烈烈飄風發發民莫不穀我獨何害

鄭氏曰烈烈猶栗烈也發發疾貌 朱氏曰穀善也

李氏曰幽王虐政愈甚如冬日烈烈然而虐飄風
發發然而疾也 朱氏曰民莫不善而我獨何以遭

此害乎

李氏曰幽王之時天下莫不被其禍乃云民莫不殺者此據作詩者之言也

夏則

暑秋則腓冬則烈禍亂日進無時而息也

山有嘉卉侯栗侯梅廢為殘賊莫知其尤

鄭氏曰嘉善也侯維也尤過也 李氏曰言山有嘉

卉是栗是梅也考工記言天下之大獸五脂者膏者

羸者羽者鱗者與此詩之文相類梅栗嘉美之卉今

君忍而殘虐之曾莫知其所以得罪之由也

蘇氏曰廢為殘

賊言幽王暴而剝下下無完民也

相

息亮反

彼泉水載清載濁我日構禍曷

何曷反

云能穀

鄭氏曰相視也

朱氏曰載則也

鄭氏曰構猶合

集也曷之言何也

丘氏曰我視彼泉水則有清時

則有濁時不一於濁也幽王之時皆濁無有或清之

時朱氏曰相彼泉水猶有時而清有時而濁而我

乃日日構害則曷云能善乎

滔滔

吐刀反

江漢南國之紀盡瘁

以醉反

以任寧莫我有

毛氏曰滔滔大水貌

鄭氏曰江漢南國之大水

朱氏曰紀綱紀也謂經帶包絡之也 鄭氏曰瘁病

也 朱氏曰有識有也 蘇氏曰王者如江漢之紀

衆水使天下有所宗而人有所賴 朱氏曰今也盡

瘁以仕而王何其不我有益

匪鵠

徒凡反

匪鵠

以專反

翰飛戾天匪鱣

張連反

匪鰭

于軌反

潛

逃于淵

毛氏曰鵠鵠也

孔氏曰說文云鵠鵠也

異於鵠也 釋文字或作鵠 季氏

曰若以為鵠鵠之鵠則無戾天之理鵠似鷹而大其飛上薄雲漢

爾雅曰鵠鳥鵠

其飛也翔

疏云鶯鷓也鷓之類其飛也布翅翔翔說文云鶯鷓鳥也

鄭氏曰

翰高戾至也鱣鮪解見碩人 劉氏曰言怨亂竝興

憂之辭也曾不為鶉鷩乎翰飛戾天曾不為鱣鮪乎

潛逃于淵言非此四者則皆罹其患矣

陳氏曰雖欲高飛深藏而

不可得也

山有蕨

居月反

薇隰有杞桋

音

君子作歌維以告哀

杞解見四牡

毛氏曰桋赤棘也

孔氏曰箋釋云桋赤棘郭璞云赤棘

樹葉細而岐銳皮理錯戾好叢生山中為車輞

鄭氏曰此章艸木生各得

其所人反不得其所傷之也告哀言勞病而愬之

蘇氏

曰扶或作莢幽王之亂大夫有退而食蕨薇杞莢以
免於禍者作此詩以告其哀憐天下之志非以為其

身也

四月八章章四句

小旻之什十

篇六十五章四百十四句

呂氏家塾讀詩記卷二十一